


社320
83



八旗通志初集卷之一百六十二



名臣列傳二十二

鑲紅旗滿洲世職大臣一

西喇巴札爾固齊 子噶祿

馬喇希

阿蘭柱札爾固齊 弟布爾堪

雍舜 子根圖 弟王格 察巴海 孫赫色 米拉渾 弟邱 姚禪 族

哈爾古積 子蘇白 和託 父郎格 兄之子 碩色納

博爾晉轄 孫察馬海 曾孫羅思翰 伯父

弟之子卓爾博 卓爾博子胡蘭 族人護紐

特錦 子特爾赫 馬秦 兄之子康喀喇

弘尼牙喀 子朱喇禪 弟薩布當阿

吳喇禪 子回色 薩蘇喀 子苗齊納

葉臣 子車楞 族孫布爾孫 布爾孫元孫 馬柱弟泰什哈

車爾布 孟庫魯 子拜音達

西德巴札爾固齊

西德巴札爾固齊

各日區

八旗通志

西喇巴札爾固齊滿洲鑲紅旗人。世居完顏地方。以地為氏。

太祖高皇帝時。率所部來歸。初編牛彖。使管牛彖事。預五大臣之列。癸巳年。與付爾佳齊兵戰。常在

太祖大營翼衛有功。哈達西忒庫射叔貝勒。發第二矢。

西喇巴以身當鏑。中傷而歿。因贈三等甲喇

章京世職。以長子噶祿承襲。順治十二年十月。

世祖章皇帝以西喇巴在

太祖

太宗時。擢忠効力。著績行間。賜諡順壯。照一品大臣例

八旗通志 卷一百六十二
立碑。噶祿襲父三等甲喇章京世職。從征沙嶺時。斬敵兵甚衆。敘功。加世職爲二等甲喇章京。病卒。以弟馬喇希承襲。

馬喇希。西喇巴第二子。天聰八年。襲兄噶祿之二等甲喇章京世職。崇德三年。任蒙古梅勒章京。四年。陞蒙古固山額真。七年。隨貝勒阿巴泰。證明至黃崖口。將入長城。率兵從右翼山而登。取其邊口。追山城敵兵至山下。進克其城。順治元年四月。隨睿王多爾袞進山海關。破流賊。復追至慶都縣。十二月。同固山額真阿山。梅勒章

京阿哈尼堪等。統官兵由山西蒲州濟河。協征流寇。並有功。二年二月。議敘。加世職爲一等甲喇章京。兼半箇前程。尋奉

命率兵往會定國大將軍豫親王多鐸南征。四月。

賜馬喇希緞補服一襲。五月。同固山額真阿山率官兵

前奪泗北淮河橋。僞守泗總兵焚橋遁。我兵遂夜渡淮。翌日。追五十餘里不及。同固山額真宗室拜尹圖公。用紅衣礮攻克武岡寨。又於常州府擊敗黃蜚步兵三萬。至宜興縣。擊敗徐總兵。又同固山額真恩格圖。往攻崑山縣。路遇敵船。

迎戰。擊敗之。至崑山縣。同恩格圖。覺羅顧喇代。指授方畧。列礮攻城。馬喇希率部下兵於頽毀處先登。克之。又攻常熟縣。同梅勒章京阿哈尼堪。仍用紅衣礮。攻克其城。三年。加世職為三等梅勒章京。四年八月。隨靖遠大將軍肅親王豪格。征四川流賊。平之。七年遇

恩詔。加為二等阿思哈尼哈番。緣事降為一等阿達哈

哈番。又一拖沙喇哈番。事白復原職。九年遇二

次

恩詔。加至三等精奇尼哈番。九月。同定南將軍阿爾津

率師征廣東未定州縣。十月。自廣東移鎮漢中。

十二月。統官兵往征湖廣辰常逆賊。十二年病

卒。子馬爾漢襲職。

阿蘭柱。札爾固齊。滿洲鑲紅旗人。姓董鄂氏。世

居瓦爾喀什地方。父阿格伯燕。娶章佳地方杭

家章京女為妻。探親至彼處。適遇我兵攻城。遂

同在圍城中。杭家章京詰阿格伯燕。塔何不助

力。對曰。此非外侮。乃有德之主。誅爾克亂。我不

惟不助力。即一矢亦不發。已而率瓦爾喀什部

屬來歸。

太祖高皇帝初設十札爾固齊。以阿蘭柱爲首。從征烏喇時。身被創。直前衝入。至顛仆不退。益奮前擊敵。遂歿於陣。贈三等副將世職。以其弟布蘭柱承襲。順治十四年。

世祖章皇帝以阿蘭柱効力行間。勤勞茂著。賜諡順毅。立碑於墓。以垂不朽。布蘭柱緣事革世職。弟布爾堪。降襲三等甲喇章京。駐防牛莊。因追蒙古逃人折足。加爲二等甲喇章京世職。

雍舜。阿蘭柱叔祖之孫也。天聰三年。隨

太宗文皇帝征明。攻遵化城。率本旗兵攻西面之南。克之。四年。我蒙古敖漢奈曼兵。攻明昌黎縣城。不克。

太宗遣雍舜同達爾漢喀克篤禮顧三台。領兵千人馳往。遂克其城。論功。授二等叅將世職。緣事革。沒入辛者庫。給貝勒家。七年。隨貝勒德格類征明。攻旅順口。首先登城。中礮傷一。鎗傷一。箭傷五。尋敘功。以善戰被傷。脫辛者庫籍。復原職。八年。隨曹海薩穆什哈。率兵征撒哈連烏喇。獲丁壯五百三十七人。尋撒哈連烏喇人背叛。會合奔博果爾兵來戰。雍舜同曹海伏兵擊敗之。崇德

二年七月。從攻皮島有功。

賜狐裘豹裘雕鞍駱駝馬牛毡布銀兩。四年十一月。率

官兵往征索倫有功。五年七月。以征索倫功。

賜貂皮四十七張。人三口。由二等甲喇章京世職。加爲

一等。六年。隨大兵圍明錦州。率兵四百。往截敵

人山城去路。及還時。遇錦州兵三百。往小凌河

畋獵。擊之。斬九十二人。順治七年。九年。三遇

恩詔。加至三等阿思哈尼哈番。仕至都統。雍舜第三子

根圖。軍功授拜他喇布勒哈番。併襲父職。爲一

等阿思哈尼哈番。又一拖沙喇哈番。第四子米

拉渾。以効力行間。病創潰卒。贈拖沙喇哈番。雍

舜之弟名邱者。初隨官兵攻額黑庫倫額車村

時。我兵死者三人。邱力戰有功。身被一創。賞人

四口。馬一匹。牛二頭。

太祖高皇帝戊申年。從征烏喇。同阿蘭柱阿格下馬步

戰。身被四創。賞人二口。明將毛文龍。以船十三

隻。載兵千餘。令王叅將壽都司領兵三百登島。

焚我房屋。掠我牛馬四十餘匹頭。邱率馬兵十

八人。步兵二十人。追之。截住敵人三百。不容登

舟。俱殲之。併殺其遊擊一員。備禦一員。千總二

員。獲大船三隻。小船一隻。盡奪被掠牛馬而還。賞甲一副。敖漢部落人逃走。每旗遣大臣一員。旗長一名。追之。邱隨固山額真葉臣同往。追及之。力戰中二箭。所乘馬亦中箭死。賞裘氈弓轡。天聰七年。隨貝勒德格類攻明旅順口。繼雍舜後登城。克之。授備禦世職。八年。隨霸奇蘭薩穆什哈。征撒哈連烏喇有功。九年。加半箇前程。崇德六年。隨大兵攻明松山。歿於陣。以弟姚禪襲職。順治元年五月。姚禪隨固山額真葉臣等征山西。用紅衣礮攻太原府城。所屬兵滿都護先登。克之。二年。從征流賊。隨固山額真覺羅巴哈納。破流賊第一營兵。又隨梅勒章京羅璧。往尋賊踪。擊敗賊兵三千。又同機慕庫。破流賊第二營有功。三年。加世職爲三等甲喇章京。七年。九年。三遇。

恩詔。加至一等阿達哈哈番。又一拖沙喇哈番。雍舜族弟名王格者。天命六年。隨大兵擊明瀋陽步兵。歿於陣。敘功。贈備禦世職。以其子哈爾薩承襲。哈爾薩於崇德三年。隨貝勒杜度。征明。擊盧軍門兵。同馬爾圖步戰。敗之。未出邊時。有敵步兵

一營。尾我兵之後。同孟庫祿。雅撒昂。邦納爾。賽步戰。擊破其衆。又同孟庫祿。擊敗敵兵一營。進攻慶都縣城。同尹布。雅撒昂。邦席巴立。穴其城。克之。四年。敘功。加世職。牛彖。章京。三分之一。任工部理事官。順治四年。考滿。稱職。加世職。為牛彖。章京。兼半箇前程。又有察巴海者。亦雍舜族弟。初隨大兵。征明。攻永平府城。歿於陣。敘功。贈牛彖。章京。世職。以子察大海承襲。順治七年。九年。三遇。

恩詔。加至一等阿達哈。哈番。察大海子赫色。以順治十

七年襲職。康熙十五年。隨征陝西叛鎮王輔臣。在平涼。屢敗賊衆。是年。又隨征南將軍穆占。至湖廣。征逆藩吳三桂。十七年。在長沙府。擊偽將軍吳國貴。歿於陣。二十五年。卹贈加一拖沙喇哈番。以子韋駝保襲職。

哈爾古積。雍舜之弟。天聰八年。以辦事有能。不違指使。授三等甲喇。章京。世職。崇德六年。以纛章京。隨大兵。圍明錦州。明松山馬兵來犯我紅衣礮。哈爾古積。卽先衆人領纛殺入。歿於陣。七年。加贈二等甲喇。章京。世職。以子碩色承襲。遇

八旗通志 卷一百六十二
恩詔加爲一等阿達哈哈番。病卒。以兄蘇白襲職。蘇白於順治十二年。隨寧海大將軍固山額真宜爾德。往浙江征舟山。同賈靈阿獲賊船。十四年敘功。加一拖沙喇哈番。

和託。阿蘭柱伯父之孫。父郎格。以功授備禦世職。任沙爾虎地方遊擊。從攻瀋陽。歿於陣。加贈世職。爲遊擊。以長子董世祿襲。遇

恩詔加爲二等阿達哈哈番。病卒。以孫海蘭承襲。和託爲郎格第二子。原管梅勒章京事。順治元年。隨睿王多爾袞。率師進山海關。擊流賊。同薩蘇喀

率本固山兵進戰有功。是年九月。奉

命。同李率泰。額孟格等。率寧遠駐防兵。往平山東河南。十月。率師至山東。有流賊旗鼓趙應元等。詐降入青州。殺招撫侍郎王鰲永。據其城。和託卽率師往援。以計擒斬賊首趙應元。我兵衝入。遂克其城。斬賊僞官十人。兵二千餘名。十二月。以恢復青州功。

賜黃金綵幣貂皮等物。二年。敘功。授牛錄章京。世職。三年。加世職爲三等甲喇章京。仕至梅勒章京。兼吏部侍郎。病卒。以兄之子碩色納襲職。順治七

年九年三遇

恩詔。加至一等阿達哈哈番。又一拖沙喇哈哈番。十二年。

併其子海蘭之二等阿達哈哈番。爲三等精奇

尼哈番。十一年。隨靖南將軍朱瑪喇出征廣東。

在新會縣山谷內。擊敗李定國兵。復追至廣西

橫州。大敗其衆。康熙三年。從征湖廣茅麓山。至

上王坪地方。賊首李來亨領兵五千。八路來犯。

碩色納同委署燾章京馬哈達步戰敗之。又以

步戰敗賊兵三千。四年叙功。加爲二等精奇尼

哈番。

博爾晉轄滿洲鑲紅旗人。世居完顏地方。以地

爲氏。初名博爾晉。於

太祖高皇帝時。率戶口來歸。授侍從轄。因名博爾晉轄。

將所屬人丁編爲牛彖。使管之。天命八年。從征

扎魯特昂安貝勒。與戴穆布先驅。斬昂安貝勒。

降其部衆。十年八月。以遊擊署副將。率兵二千

征東海南路虎爾哈部。降其五百戶而歸。

太祖聞之。親出城迎至渾河。御帳殿。博爾晉轄率出征

諸將。並招來頭目。

朝見畢。大宴之。尋置在十札爾固齊之列。

太宗文皇帝即位。擢固山額真。天聰元年正月。從征朝鮮。朝鮮內附。五月。

太宗親率諸貝勒將士征明。攻錦州城不克。往調瀋陽兵。博爾晉轄隨率兵往。屢戰有功。授梅勒章京。世職。既卒。失去。

勅書。子孫不得承襲。康熙三年閏六月。子特錦。官至都統。以父博爾晉轄。未蒙。天命八年。孫。

恩賜立碑。具劄子。上請。事下禮部。以行查吏部。並無案據。尋奉。

聖祖仁皇帝特旨。博爾晉轄。其人。宗。大。

太祖時原在十札爾固齊之內。後授為都統。在昔勤勞素著。着議加恩。七月。追。

賜諡忠直。立碑於墓。文曰。朕惟國家開創大業。必有英賢佐命。建立鴻勳。生則予以顯秩。崇階布德。譽於天下。歿亦特加美諡。垂盛蹟於來茲。此朝廷錄舊之深恩。勸忠之巨典也。爾博爾晉轄。賦性端方。制行明敏。當。

太祖高皇帝肇基之始。屢立戰功。

太宗文皇帝定鼎之時。勤勞益著。念茲舊勳。是用軫卹。爰錫恩典。循古易名之義。諡曰忠直。并勅部立碑。以。

垂不朽。用酬元臣盡瘁之誼。昭朕不遺故舊之至意。云博爾晉轄孫察馬海。順治元年四月。以噶布什賢。蘇高轄。隨睿王多爾袞至山海關。擊敗流賊偽總兵。唐通。五月。隨固山額真葉臣平定山西。敗賊田。恩。和於汾州府。又敗賊於黃河岸。進征陝西流賊。下。賊自延安府出犯。察馬海同布爾孫擊敗之。賊。賈。兵復犯正白旗汛地。察馬海往援。歿於陣。卹贈。歸。半箇前程世職。以其兄之子羅思翰承襲。七年。素。九年。三遇。

恩詔。加至二等阿達哈哈番。十五年。隨征雲貴。在盧噶

地方。擊偽晉王李定國有功。十八年。議敘。加世職。為二等阿達哈哈番。博爾晉轄伯父之孫曰。艾穆布者。其父殷達呼齊。在十六章京之列。艾穆布由牛彖章京効力。授二等阿達哈哈番。仕至郎中。博爾晉轄仲父之子曰巴代者。隨征大同。戰死。贈拜他喇布勒哈番。博爾晉轄弟之子曰卓爾博者。任部曹。以考績勤慎。授拜他喇布勒哈番。卓爾博之子胡蘭。康熙十五年。以護軍校。從征陝西叛鎮王輔臣。隨攻取綏德州有功。至平涼。擊偽總兵王繼正。歿於陣。二十五年。卹

贈拖沙喇哈番。以其子索柱承襲。其族人又有名護紐者。順治十二年。隨寧海大將軍固山額真宜爾德。往浙江征舟山有功。十八年。從征雲南。至緬國阿娃城。獲僞桂王朱由榔。在事有功。授拖沙喇哈番。特錦博爾晉轄第四子。天聰八年。以辦事有能。不違指使。授牛叅章京世職。崇德五年。從征明圍錦州。往杏山取蘇班代。遇明杏山兵。擊敗之。六年。隨大兵挖壕圍松山。明經畧洪承疇兵來犯本旗汎地。特錦同朱楚克敗之。尋從征寧遠。

敗明馬兵。順治元年四月。隨睿王多爾袞進山海關。同鐘古以步戰擊流賊。追至慶都縣。同梅勒章京和託大敗之。二年。敘功。加世職爲三等甲喇章京。任兵部理事官。五載考察。以辦事勤慎。加爲二等甲喇章京。三年。隨肅親王豪格征四川。在三水縣擊賊首胡敬德兵。敗之。又擊敗禮縣賊高儒禮兵。賊渠八大王張獻忠兵迎戰。特錦以步戰隨肅親王敗之。又以步戰擊敗山上賊兵。賊馬步兵來尾我兵之後。特錦復擊走之。又率本旗兵擊敗賊將楊正於馬湖府。六年。

八旗通志 卷一百二十二
隨大兵圍大同。征叛鎮姜瓖。賊以馬步兵出城來犯。鑲藍旗汛地率援兵擊却之。賊又來犯。正藍旗汛地復率援兵擊却之。祖馬路得勝路。賊兵來援。立二營拒敵。特錦率兵破其營。至汾州府。有僞總兵二人領馬步兵七千。黑夜來犯。兩紅旗營寨。特錦同委署燾章京恩克擊敗之。七年遇

恩詔。加世職爲一等阿達哈哈番。八年。陞兵部侍郎。兼管本旗蒙古梅勒章京。九年。遇二次

恩詔。加世職爲三等阿思哈尼哈番。轉本旗滿洲梅勒章京。十二年。陞本旗蒙古固山額真。擢黑白昂邦。今議政大臣也。十五年。隨信郡王多尼等征僞桂王。恢復湖廣一府三州十縣三衛。安撫其民。又招降貴州九府五州十四縣十一衛。招撫大小僞官千餘員。兵四千五百餘。並在行間參贊有功。十七年。議敘。加世職爲二等阿思哈尼哈番。十八年。轉本旗滿洲都統。康熙十一年病卒。

賜諭祭二次。葬銀五百兩。諡襄壯。立碑於墓。以表其功焉。子特爾赫襲二等阿思哈尼哈番。任叅領兼

八旗通志 卷之二十二
佐領康熙十三年從順承郡王勒爾錦征逆藩
吳三桂以夸蘭大率本旗兵奪赤台嶺擊石頭
碣賊兵又敗偽總督江德洪兵至金石山敗偽
總兵王若奇兵又從定南將軍希爾根征逆藩
耿精忠擊賊於績溪萬年等縣復興安廣信二
城敗弋陽縣賊取其城又敗黃鶴山偽遊擊林
爾進攻玉山縣敗偽總兵柯獻克其城十六年
同正白旗夸蘭大張師儉各率四旗兵攻取唐
石憲聚二口敗賊朱進平兵取石元嶺敗賊朱
明盛兵並在行間有功

馬秦博爾晉轄長子奔脫會之次子也原管擺
牙喇甲喇事崇德三年隨大兵征明同勞薩順
科洛巴圖魯擊吳總兵馬步兵敗之六年圍明
錦州在松山山嶺擊敵有功順治元年隨睿王
多爾袞進山海關擊流賊二年授牛錄章京世
職七年遇

恩詔加一拖沙喇哈番仕至梅勒章京病卒以兄之子
康喀喇襲職康喀喇順治二年任二等轄四年
隨揚威大將軍德豫親王多鐸追蒙古騰吉思
八年襲叔父馬秦之拜他喇布勒哈番又一拖

沙喇哈番。九年遇二次。

恩詔。加至二等阿達哈哈番。十二年。陞阿禮哈超哈甲。

喇章京。從征貴州。恢復湖廣一府三州十縣三衛。招降貴州九府五州十四縣十一衛。並在行間。康熙十年。轉護軍叅領。十三年正月。以護軍。夸蘭大從征逆藩吳三桂。四月。有賊船百餘隻。在城陵磯拒敵。率本旗護軍進戰。自午至酉。用鎗礮擊毀賊船一隻。燒毀賊船一隻。遂奪城陵磯。併取荆河口。七月。隨貝勒察尼敗岳州賊兵。十月。至岳州。我兵戰船遭風。為賊所困者。悉援。

出之。十六年三月。隨安親王岳樂攻長沙府。城內賊兵出犯。擊敗之。六月。與賊戰於永興。中頭等傷。十一月。率四旗頭隊兵。攻取茶陵州城。又率本旗兵。敗攸縣賊將王輝。王輝旋領兵來奪攸縣城門。復擊敗之。又敗之於攸縣城東關廂。王輝又領馬步兵萬餘。驅象來戰。復大敗之。追擊十餘里。斬賊副將三人。偽官百餘人。兵四千餘。生擒百餘人。十七年三月。我兵欲渡江取辰州。康喀喇率本旗兵。奪江東賊船四十餘隻。以濟我師。官兵至辰州。率八旗頭隊護軍攻其城。

取之。十八年二月。率本旗頭隊護軍攻克長寧縣。三月。攻永州府。取之。六月。攻克廣西柳州府。八月。攻克新寧州。二十四年十二月。陞蒙古副都統。二十五年九月。轉滿洲副都統。二十九年七月。以副都統率四旗兵。從征厄魯特噶爾丹。共出征四次。得功牌甚多。三十年卒。越東關。

賜祭葬如例。

弘尼牙喀。滿洲鑲紅旗人。姓吳。札庫氏。世居嘎哈里地方。初為烏喇人所虜。中途棄妻子。逃回嘎哈里。率父母諸弟。及四十人來歸。授牛彖章。

京世職。又將所屬人丁編為牛彖。以弘尼牙喀管理。天聰二年。從征。明有功。加世職為三等甲喇章京。攻錦州未下。奮勇先登。毀敵城梁。傷足殘廢。其弟往救。歿於陣。八年敘功。加世職為二等甲喇章京。仕至工部尚書。以事免。崇德六年十月。起任戶部侍郎。順治四年卒。年六十五。長子吳喇禪。自有傳。次子朱喇禪。初任都察院啟心郎。六載考察。以稱職授半箇前。程世職。順治七年。九年。三遇。

恩詔。加至三等阿達哈哈番。仕至副都統。第三弟薩布

當阿以軍功授半箇前程世職任壯尼大

吳喇禪弘尼牙喀長子順治元年隨豫親王多

鐸征流賊攻潼關同布善敗賊兵又隨公圖賴

步戰擊賊敗之又伏噶布什賢兵擊敗賊馬兵

旋擊流賊第一營第二營步兵俱領燾先登二

年從貝勒博洛征浙江往平湖縣擊敗湖邊列

陣敵兵獲船十一隻又隨貝勒博洛擊杭州關

內偽大學士馬士英偽國公方國安兵敗之四

年四月襲父二等甲喇章京世職五月陞本旗

蒙古梅勒章京五年正月統領官兵駐防大名

三月隨征南大將軍譚泰往江西討叛鎮金聲

桓初用紅衣礮攻南昌府吳喇禪防守右翼敗

賊五次金聲桓同其黨王得仁領馬步兵七萬

來犯我營率本固山兵隨大將軍進擊敗之至

袁州府敗偽總兵朱翊鏜步兵一千五百於山

巔招撫一州二縣六年七月領官兵協同通州

總兵自天津水路會勦趙北口淀賊聞鑲藍旗

杜爾巴牛彖所居良店村被賊圍困即同燾章

京沙爾虎達率八旗章京兵丁擊敗之斬賊首

趙鳳岡等三十五人及賊兵一千餘衆獲船一

百餘隻。又聞寶山村有賊遣哈其哈巴圖魯吳班等往勦。擊敗村內賊兵。攻其臺克之。生擒賊首田東樓。陽牌子。斬賊兵百餘名。獲船十一隻。

七年遇天戰水。會。...

恩詔。加世職為一等阿達哈哈番。敘功。加一拖沙喇哈

番。尋陞刑部侍郎。九年遇...

恩詔。加世職為三等阿思哈尼哈番。緣事降為一等阿

達哈哈番。又一拖沙喇哈番。

特恩加為三等阿思哈尼哈番。又遇...

恩詔。加為二等。十二年。同寧海大將軍固山額真宜爾

德。往浙江征舟山有功。十四年議敘。加世職為

一等阿思哈尼哈番。又一拖沙喇哈番。緣事革

去。拖沙喇哈番。子回色。順治九年。以一等轄。隨

敬謹親王尼堪征湖廣。至衡州。擊偽秦王孫可

望兵。與王俱歿於陣。子武舒。康熙三十五年。從

征厄魯特。噶爾丹有功。授拖沙喇哈番。仕至副

都統兼管佐領。

薩蘇喀。弘尼牙喀第二弟。初同兄自嘎哈里地

方來歸。從證明廣寧。至沙嶺。首先衝入敵陣。我

庫爾固里牛。采下杜爾根。被圍墮馬。有二敵兵

八旗通志 卷一百一十二
至將刃之。薩蘇喀斬敵一人。縱馬衝仆一人。救杜爾根出之。天聰三年。從征北京。爲前哨。環甲往擒一人。五年。從征大凌河。遇城內兵出。率本甲喇擺牙喇兵殺至壕邊。城內兵再出。復同喀喇古濟衝入。擊敗之。薩璧翰往取巴孫屍。敵人來戰。遂發矢射敵。擁之出。八年二月。往畧明前屯衛。與勞薩順科洛巴圖魯擊敗寧遠兵。獲馬二十二匹。六月。從征明至大同。率三十人往左衛偵探。遇敵騎三百。離城十里立營。直前擊敗之。追殺至城邊。獲馬二十匹。生擒一人。九年。隨

貝勒多爾袞等招撫林丹汗子額哲。我兵出邊。遇圖爾格所擊敗兵。右翼兵俱未追及。薩蘇喀獨率兵追及之。斬殺盈壕。敘功授半箇前程。崇德五年。從征明圍錦州。至杏山。往取來降之蒙古蘇班代家屬。擊敵馬兵。旋往防守木魯河。有錦州兵二次來犯。薩蘇喀並擊敗之。六年。進圍松山。明軍門洪承疇馬兵來犯。本固山汛地。卽率本甲喇兵擊敗之。松山敵兵夜犯。鑲黃旗壕塹。率每牛錄下各一擺牙喇往援。擊敗敵兵。八年。從征寧遠。擊敵有功。順治元年。隨睿王多爾

襲進山海關擊流賊。同梅勒章京和陀衝入賊陣。中礮歿於陣。仕至禮部侍郎兼梅勒章京。二年。加贈三等甲喇章京世職。以其子阿蘇哈承襲。尋卒。次子苗齊納襲職。七年遇

恩詔。加為二等阿達哈哈番。康熙元年。從征雲南。獲偽

桂王太后妻孥。十三年。從征逆藩吳三桂。並有功。累陞至護軍統領。二十九年。征厄魯特噶爾丹。苗齊納任議政大臣。同裕親王福全。恭親王常寧等。於烏蘭布通破賊。仕至江寧將軍。葉臣。滿洲鑲紅旗人。姓完顏氏。世居兆佳地方。

初隨

太祖高皇帝敗蒙古兵於鐵嶺。天命六年。從征明取遼東。積戰功。授遊擊世職。

太宗文皇帝即位。八旗設十六大臣理事。葉臣與焉。天

聰元年正月。隨大貝勒阿敏征朝鮮。經明朝哨地。同冷格里等領兵八十人。乘夜襲其哨卒。並獲之。六哨無一脫者。至朝鮮義州。豎梯攻城。率八十人。繼艾搏巴圖魯登城。克之。敘功加世職

為二等叅將。賞人馬牛三十。尋往蒙古地方駐防。有車臣蒙古四帳房人逃走。葉臣追及殺之。

敘功加世職至三等副將。四年正月。隨太宗伐明。同副將阿山領部下猛士二十四人乘夜往攻永平府。瀕行。

太宗召入御幄。諭之曰。攻城時登梯。須令四人先登。每傍各令二人立。次令四人速登。又次令十六人絡繹而登。繼則爾阿山。葉臣親登。其後令每旗官一員。率兵一千助之。一指授。並示以應攻之處。遣之。甲申寅刻。我軍列梯牌攻永平城。城內發火礮藥箭。黑夜交戰。俄而城上火藥暴發。敵兵在北面者皆被焚傷。我兵遂乘勢登城。二月辛亥朔。

太宗諭曰。昨攻取永平城。副將阿山。葉臣與猛士二十四人。冒火奮力登城。乃我國第一等驍勇人也。其二十四人。蒙

上天眷佑。幸俱無恙。次日召伊等進見。朕心愴然。幾不能忍。此等猛士。與巴圖魯薩木哈圖。及他處先登驍勇出衆之人。前已有旨。後遇攻城。勿令再登。及攻昌黎縣。薩木哈圖又復與焉。以後此等捐驅建功之人。勿得再令攻城。但當令在諸貝勒固山額真左右。遇衆對敵之時。令其同進。若彼欲自攻城。亦當止之。卽或廝卒中。有一二次率先登城立功者。亦不可再令

八旗通志 卷一百六十二
攻城以示朕愛惜材勇之意。因加葉臣世職爲三等總兵官。五年七月。任固山額真。從征明攻大凌河城。率本旗兵圍其城西面之南。城內兵突出。圍我所得之臺。甫豎梯。葉臣與正紅旗固山額真和碩圖等。各率兵出營。齊進夾攻。敵兵大敗。望城而遁。我兵追殺至城壕始還。九月。明總兵祖大壽領兵出城至西南隅。來攻我兵所得之臺。豎梯將攻。葉臣與宗室篇古阿格等。四將軍營兵。齊出進擊。敵遂敗走。七年六月。詔諸貝勒大臣各抒所見。陳奏時務。葉臣奏言。

聖主洪福。兵力聚集。今年宜卽出師。不然。我國自此而貧。馬亦難得。兵不加增。今年有何不備。乃止而不往哉。如謂士卒無馬。則糗糧盈甲。亦可以牛車載之。先抵大同宣府。秣馬休兵。卽在彼處偵探察哈爾消息。近則我兵往征。若彼聞風遠遁。則我國安寧。可無內顧之虞矣。於是入攻明邊。蹂躪其土地。焚毀其廬舍。彼國有不疲敝者乎。進逼北京。晝夜攻圍。名爲帝都。其實易攻。何則。彼城上必多積火藥。我兵晝夜攻之。火藥多必自焚。不然。卽就彼近城一帶。伐木製造梯牌。多

方攻取。城雖不克。亦於我無害。倘攻山海關。亦如攻寧遠錦州。不能即得。不益損威而長敵人之氣乎。攻山海關。得與不得。且不必論。總之北京未有不攻自順之理。與其兩次勞苦。何如一勞之為愈乎。如從山海關路入。恐歸附蒙古。怯察哈爾之勢。今日事事。務計萬全而動。如無謀輕舉。去而復回。再整頓。盛甲。買辦馬匹。恐軍士俱無所得。徒勞苦耳。

國家糾集兵力。士卒以上。貝勒將帥以下。俱不憚身勞。經日圖謀。以

聖主聲靈。何事不成。若身慮勞苦。遂懷中止。則大業廢

矣。是月。隨兵部岳託。貝勒。率馬步兵萬餘。往取明旅順口。八年六月。隨大貝勒代善。領兵自喀喇俄保地方。入得勝堡。往畧大同一帶。取其城堡。西畧黃河。七月。擊敗朔州馬兵二百。追至城下。抵步兵營。始回。崇德元年五月。隨武英郡王阿濟格。征明。九月。葉臣獨克安州。又共十固山合攻寶坻縣。葉臣穴其城。取之。十二月。從征朝鮮。率阿禮哈超哈兵。豎梯登王京城。城上兵不敢拒敵。各路奔竄。盡收其財物牲畜。二年四月。

督白奇超哈章京。率白奇超哈助攻皮島。白奇超哈者。步兵也。至則乘我國所造小船。進攻島西北隅。隨官兵克之。斬其守島總兵沈世奎。七月敘功。加世職至一等昂邦章京。併

賜狐裘豹裘。雕鞍駱駝馬牛紅毡布疋銀兩。四年三月。率每旗梅勒章京一員。每牛条甲士三人。出明邊青山口。從太平寨。奪青山關。七年七月。率官軍往代。饒餘貝勒阿巴泰等戍守錦州。順治元年六月。統領官兵平定山西一帶地方。尋報饒陽一路賊平。九月奏言。潞澤所屬州縣。俱已委

官。有董學禮者。原係故明副將。降賊授職。駐劄懷慶。後爲我兵擊敗。遁往潼關。以書招之。學禮遂降。願率兵駐防黃河西岸。因給與總兵官劄付。又少林寺玉寨賊首李季遇。明季屢攻不克。授以總兵職銜。後與流賊相持。我兵至懷慶。差人招撫。卽將所據一府二州十二縣。大小山寨千餘。兵二十七萬。齎書來降。僞總兵唐通。被我兵擊敗後。攻破流賊原籍米脂縣。殺其親族。掘其墳墓。棄其骸骨。偵得流寇黨羽。已經星散。十月奏報。臣出固關。進平三晉。所至迎降。有僞伯

陳有福竊據太原。我兵以紅衣礮攻擊。克其城。安撫居民。五州二十縣皆降。十二月。彙報招撫事宜。言大兵道經直隸河南山西。共平府九州。二十七縣。一百四十一。各委署官吏。安輯居民。沿途招撫。故明翰林朱之俊。員外董直愚。主事胡全才。指揮李升。遊擊黑有德。及從賊故明兵部尚書張縉彥。知縣李若星。副將董學禮。康元勛。惠應名。叅將馬元。遊擊劉永等。山西全省底定。振旅凱還。至直隸定州。值土賊掃地王。圍五縣。焚殺。卽遣兵擊斬之。比至京。以擅折

皇城牆。停止敘功。止

賜銀六百兩。二年七月。平南大將軍貝勒勒克德渾。往江南代定國大將軍豫親王多鐸。遣葉臣同往。十一月。奉

命。隨勒克德渾率兵往湖廣武昌府。勦流寇餘孽。一隻虎。三年十月。凱旋。

賜黃金三十兩。白銀五百兩。五年病卒。子五人。以一等精奇尼哈番。改爲二等精奇尼哈番。與長子車爾布承襲。餘一拖沙喇哈番。與第五子車赫圖承襲。車爾布自有傳。次子車楞。崇德八年。隨貝

勒阿巴泰征明。毀寶坻縣城垣。先登拔之。敘功。授半箇前程世職。遇

恩詔加至三等阿達哈哈番。仕至副都統。葉臣族孫布爾孫者。崇德七年。以噶布什賢章京。隨大兵征明。圍松山。明經畧洪承疇馬兵來犯。率本固山噶布什賢兵。同衆章京擊敗之。斬三十七人。獲馬十六匹。洪承疇兵自松山城遁出。與衆章京擊之。敵兵往奔杏山。布爾孫橫截殺入。追至筆架山。斬四百餘人。獲馬二百四十二匹。燹六桿。敵馬兵自松山夜遁。復同西忒庫追至塔山嶺。

獲馬二十二匹。駝一隻。又有敵兵自杏山敗遁。同索渾。西忒庫追擊。斬一百四十九人。獲馬四十一匹。尋奉豫親王多鐸令往防守塔山嶺路。有敵步兵三百夜遁。與噶布什賢三章京追擊。斬三十三人。又往截杏山北路。夜遇明步兵三百。同西忒庫率擺牙喇五十人連敗之。斬二十七人。明步兵自杏山晝遁。復同噶布什賢六章京追擊。斬三百三人。英親王阿濟格駐扎杏山河。有寧遠馬兵一千來窺我哨騎而回。布爾孫與噶布什賢衆章京追至連山。斬三十人。獲馬

三十二匹。旋隨英親王阿濟格往寧遠。奉令往探寧遠壕塹。與二噶喇昂邦衆章京擊其馬兵。敗之。沙河所有敵兵五百。來至寧遠。布爾孫馳往截之。敵兵拒戰。同衆章京擊敗之。又有沙河所馬兵五十人。向我牧地而來。與衆章京追擊。並敗其後至兵四百人。順治元年。隨睿王多爾袞至山海關。擊流賊唐通兵。隨噶喇昂邦鄂碩敗之。追至安肅縣。斬殺甚衆。又於慶都縣隨噶喇昂邦鄂碩誘賊至。擊敗之。又同譚泰前往追擊。斬賊步兵無算。二年敘功。授牛錄章京世職。

布爾孫之元孫八十九。以雍正七年襲拜他喇布勒哈番。九年從征準噶爾。在和通呼爾哈地方陣亡。卹贈拖沙喇哈番。以其子武章阿承襲。又有馬柱者。亦葉臣族孫。初以六品官隨征福建。在澄浦嶼地方敗海賊鄭成功。康熙十四年。從信郡王鄂扎征察哈爾布爾尼有功。議敘。授拜他喇布勒哈番。馬柱弟泰什哈。崇德元年。隨武英郡王阿濟格征明。攻保定縣。穴其城。首先衝進。遂克其城。敘功。授半個前程世職。順治七

年。九年。三遇

八旗通志 卷一百二十二
恩詔。加至三等阿達哈哈番。仕至副都統。

車爾布。葉臣長子也。崇德六年。由擺牙喇甲喇章京。積戰功。陞燾章京。順治元年。隨睿王多爾袞。率大軍入山海關。擊流賊。敗之。又同阿爾津。率噶布什賢兵。自涿州往。追及於安肅縣。斬殺甚衆。又追敗之於慶都縣。二年。敘功。授牛糸章京世職。尋授議政大臣。是年。從征陝西流賊。同梅勒章京羅璧。敗賊於延安。又同燾章京鰲拜。巴圖魯。馳攻湖廣承天府。獲船八十隻。復自承天府追流賊。同噶達洪。擊敗其馬兵。旋同蘇拜。

率擺牙喇八十人。及鄂爾多斯蒙古兵六百六十人。並大同宣府兵。往勦榆林。有賊僞總兵令其部下一副將領兵夜犯我營。鄂爾多斯蒙古兵敗走。車爾布與蘇拜衝入。擊敗之。同固山額真宜拜前往榆林。招服二城。又同固山額真特瑪庫魯克達爾漢阿賴。往尋賊踪。屢敗賊兵。三年。由牛糸章京世職。加半個前程。緣事降爲半個前程。四年八月。隨肅親王豪格。勦四川賊寇。平之。五年。襲父二等精奇尼哈番。將本身所得世職。襲於弟車赫圖。六年。隨英親王阿濟格。

往大同征叛鎮姜瓖。賊自城中突出來犯正紅旗壕塹。車爾布率本固山擺牙喇阿禮哈超哈擊敗之。祖馬路得勝路。賊兵五千餘。由大同北山出立二營來逼我軍。車爾布擊破其一。七年九年三遇。

恩詔進封三等伯。十二年十二月。同寧海大將軍固山額真宜爾德統領官兵征勦浙江舟山。聞報大嵐山有偽總兵王長樹等。交通海賊。放火燒房。殺害百姓。遣梅勒章京顧魯古率章京兵丁。由夏關地方進勦。偽總兵毛光祚領賊兵二千來。

拒遣夸蘭太鄂泰巴圖魯等擊敗之。斬賊千餘。又聞報賊欲攻取岷縣。遣夸蘭太鄂泰巴圖魯等往勦。至兩斗門地方。擊敗偽總兵王長樹。斬之。並殺賊兵八百餘名。偽英毅伯阮思領船兵百餘隻於海上拒敵。將章京兵丁分為三隊。陸續進戰。敗之。獲船二隻。印二顆。斬其副將阮進。又偽總制陳六御。偽英毅伯阮思等。領賊兵三萬餘。船二百隻。於海上迎戰。復將章京兵丁分為兩隊。陸續進戰。敗之。斬偽總制陳六御。偽英毅伯阮思等十六員。生擒偽總制林德等一百。

餘員。斬之。獲大印四顆。銅印二十二顆。船二十五隻。紅衣法貢等礮一百六十餘位。又遣總兵官張傑。梅勒章京吳汝玠等。率領官兵往勦舟山。行至李陽口。遇賊船三百餘隻。擊敗之。沉溺賊船四隻。招撫偽總兵八員。偽副將叅將遊擊都司守備等九十餘員。及賊兵三千餘。獲印十三顆。恢復舟山。安定百姓。十四年。進封一等伯。又一拖沙喇哈番。康熙三年。緣事降為三等伯。七年病卒。

賜祭葬如例。仕至固山額真。子蟒喀襲封三等伯。由散

騎郎累陞至護軍統領。尋陞正黃旗漢軍都統。外任荊州駐防將軍。復內轉正黃旗蒙古都統。其在荊州號令嚴。賞罰明。恩威並著。及內陞之日。兵丁感戴。為立生祠。康熙七年卒於任。

孟庫魯滿洲鑲紅旗人。初以梅勒章京從征山東。取慶都縣。率本旗兵攻克其城。凱旋出邊。孟庫魯殿後。遇明太監高起潛等率兵來躡。同納爾賽等擊却之。又遇明步兵一千來犯。復同哈爾沙等擊破其眾。崇德三年。隨大兵圍錦州。有城內兵突出至壕邊。射艾篤禮公下守牧之人。

孟庫魯奮勇迎戰。遂歿於陣。卹贈牛彙章京世職。以其子拜音達承襲。順治元年。拜音達隨昂邦章京西忒庫。擊流賊於山海關。敗之。追至安肅縣。斬殺甚衆。又隨噶喇昂邦鄂碩。敗流賊於慶都縣。生擒哨卒十五人。斬五級。獲馬十五匹。二年敘功。由牛彙章京世職。加半箇前程。尋隨大兵追擊流寇。有賊渠率馬兵三百來犯。拜音達同索渾率甲士二十人。乘夜迎擊。敗之。仍由聞鄉縣前進。遇賊衆於潼關。拜音達擊斬十一人。又有賊兵駐札山頭。復率本固山前鋒擊破。

之。并敗其伏騎。斬獲無算。後隨大兵往追福王。有敵兵駐札蕪湖縣地方。拜音達率兵擊敗之。又同固山額真宗室韓岱。連敗敵兵於杭州金華府地方。斬僞副將一員。獲船一隻。又同布丹擊敗楊軍門兵一千。其敗兵自建寧乘船遁去。復同昂阿昂邦追擊破之。獲船一百五十隻。又同蘇爾德連敗敵兵於延平府地方。追唐王時。拜音達復同蘇爾德。賴塔等。連敗敵衆於汀州府。遂以雲梯攻克其城。四年敘功。加世職至三等甲喇章京。七年遇

命命縣

縣縣縣

亦德分縣

縣縣

德新縣

縣縣

縣縣

縣縣

縣縣

庫拜滿洲鑲紅旗人。姓鈕祜祿氏。世居英格地方。祖賴喇渾。曾附哈達。後棄哈達。率本村人來歸。兄庫爾禪榜式。見儒林傳。庫拜從征額黑庫倫。率本甲喇兵。獨攻克一村。天命四年。隨大兵。證明撫順。遇張總兵來戰。庫拜先本固山擺牙喇兵衝入。敗之。征瓦爾喀什。仍先本固山擺牙喇兵衝入。手被創。遂殘廢。六年。大兵克遼東。以庫拜才能尚堪用。授備禦。世職。天聰五年。設六部。以庫拜任吏部叅政。三載。考察。以辦事有能。加世職為遊擊。八年。同薩穆什喀。霸奇蘭。征撒

哈連烏喇有功。九年。加世職為二等甲喇章京。子商堅。於崇德五年襲職。八年。從鄭親王濟爾哈朗征明。攻前屯衛。城內兵出戰。蒙古巴林喀喇沁敗走。商堅同梅勒章京覺善追擊之。順治元年。隨睿王多爾袞進山海關。擊流賊有功。二年。加世職為一等甲喇章京。七年。九年。三遇

恩詔。加至二等阿思哈尼哈番。仕至副都統。孫汪古禮。

仕至都統。族弟哈爾薩。崇德三年。以擺牙喇甲喇章京。隨貝勒杜度征明。至山東。率本甲喇兵用雲梯攻海豐縣城。克之。四年。叙功。授半個前

大命

程世職。六年。從圍錦城。我噶布什賢兵誘擊松山兵。哈爾薩隨纛章京希沙率眾前進。大敗其師。又率本甲喇兵敗敵於松山北山。有明兵來犯本固山。及正紅旗壕塹者。哈爾薩俱擊敗之。八年。從征撒哈連烏喇。圍弩爾噶兒城。絕其汲

道。招降之。又同阿爾津。哈寧阿。率兵一千。前往招服兩哈爾塔菝。及能機爾。綽庫禪。四村。擒獲叛黨百餘人。順治元年。隨睿王多爾袞進山海關。擊流賊。率本甲喇兵敗其馬兵。復追至慶都縣。擊敗之。二年。議叙。加世職為牛錄章京。兼半

八旗通志卷一百六十三
三
個前程。

霸奇蘭滿洲鑲紅旗人。姓納蘭氏。世居彝巴丹地方。早從征伐。積戰功。授遊擊世職。隨大兵攻沙嶺城。率五牛象兵。燾越衆先至。敗敵有功。天命十一年。從

太祖高皇帝征明寧遠未下。奉命率本旗兵攻覺華島。破之。賞銀百兩。

太宗文皇帝卽位。八旗設十六大臣理事。以霸奇蘭爲正黃旗大臣。天聰三年。從大兵征明。至北京城下。擊明滿桂。黑雲龍等四總兵軍。奮勇攻之。大

當圖敗明兵。七年。隨官兵征旅順口。霸奇蘭與薩穆爾。什喀並舟先入。奮擊岸上敵兵。霸奇蘭面及肩。背未脇俱被傷。復前進。敗敵兵一隊。乃大呼云。孰能。超躍先登。能超躍者。吾必記功。奏聞。開示。禁。皇上。并啟知貝勒。於是雍舜。朱瑪喇。超躍而登。霸奇蘭亦率兵繼之。時我兵少動。霸奇蘭又大呼云。殺。敵人矣。整兵復入。遂攻克之。霸奇蘭時爲步兵。而主帥。因破敵有方。并克旅順口功。由遊擊世職。宗備加爲三等副將。八年十二月。奉命管步兵梅勒章京事。率章京四十一員。兵二千五百

管夫人。往征黑龍江地方。京四十一員。兵二千五百。太宗諭之曰。爾等此行。道路遙遠。務奮力直前。慎毋憚勞而稍息也。俘獲之人。須用善言撫慰。飲食甘苦。一體共之。則人無疑畏。歸附必衆。且此地人民語音。與我國同。攜之而來。皆可以為我用。攻略時。宜語之曰。爾我之先世。本皆一國之人。載籍甚明。爾等向未之知。是以甘於自外。我皇上久欲遣人詳為開示。特時有未暇耳。今日之來。蓋為爾等計也。如此諭之。有不翻然來歸者乎。爾等其勉體朕意。大丈夫凡受委任。當圖報稱。語云。少壯不努力。老大徒傷悲。誠哉是言。

若此時不力圖建豎。異日雖悔何益耶。

諭畢。賜食。又

諭曰。入略之後。或報捷。或送俘。必令由席北綽爾門地

方經過為便。將來遣人往迎。及運送軍糧。亦必於此處相待。其應略地方。須問鄉導人。有夏姓武因屯長喀拜從役二人。庫魯木圖屯長郭爾敦從役三人。及納屯一人。適已偕至。今俱令其從軍矣。爾等可率之以往。經行道路。詢彼即知。若彼處已經略定。此歸附三屯。不可稍有侵擾。宜令留於本處。仍諭以因爾等輸誠來歸。故使復還故土。自後宜益修恭順。倘往來

稍間。必譴責立至矣。若所略不獲如願。則不必留此
三屯。當盡攜來。凡器用之屬。有資軍實者。亦無使遺
棄。軍還。務令結隊而行。不可分散。爾等其凜遵焉。

諭畢。命貝勒薩哈廉。杜度。固山額真納穆泰等。送於二

里外。按旗分列。簡士卒。閱器械。集出征諸將。宣

讀其勅。其勅曰。此古之所謂。人亦風。故曰。中。其

勅諭畢。遂起行。九年四月。霸奇蘭遣兵部啟心郎額色

黑。伊木布等疏報。收服編戶壯丁二千四百八

十有三。人口共七千三百有二。所有牲畜數目。

馬八百五十六匹。牛五百四十三頭。又俘獲婦

人子女一百十六人。馬二十四匹。牛十七頭。貂

皮一千一百二十四張。狼皮十八張。猓獺獾皮

十八張。水獺皮二十張。狐皮五十張。騷鼠裘十

二領。騷鼠皮一百六十張。青鼠裘三領。青鼠皮

一千五百六十張。白兔皮一百九十七張。五月

霸奇蘭進征黑龍江。盡克其地。將所獲人民。全

編氓戶。携之以歸。是役也。敘功加世職為一等

梅勒章京。紀錄一次。霸奇蘭獻俘獲人口。及馬

牛皮張等物。

太宗以其出征勞苦。即以所俘獲者分賜之。十年二月。

三燾以獻。十月，同土魯什率每旗官各一員，兵一千名，往錦州松山一路捉生。遇明管隊一人，領十人執燾奔寧遠，俱斬之。獲其甲冑馬匹而還。又領燾擊明監軍道張春前營，不違指授，奮勇殺入，敗之。十一月，從征察哈爾，率精兵一百，往覘察哈爾兵踪跡。十二月，追察哈爾兵過興安嶺，不及而還。途次獲察哈爾遺棄馬一百七宗，羣十匹，駝五隻，甲二十五副。六年四月，獲察哈爾國三人，馬七匹，駝一隻。五月，同阿山、土魯什、吳拜率精兵三百，前往捉生。至虎喇戶地方，有詹

土謝圖下蒙古五人，私逃奔察哈爾。勞薩擒斬之。又率精兵百人，先大兵三十里前進。至喀喇莽奈地方，遇察哈爾哨卒四人，追至益圖地方，斬其一人。見前有敵兵百人，圍困我國劉哈。勞薩率七人，謹諫衝入，敵遂敗走。尋遣人奏言。遇察哈爾哨卒一次，爲我兵追北，後無所見。觀敵人大隊踪跡，逃去已久，恐我兵追之無及。於是太宗自布龍圖旋師，至枯橐地方駐營。勞薩還與大軍

會，尋復隨

太宗往畧察哈爾部民，直入明境。同土魯什在大軍前

太宗五年。捉生。八年二月。率擺牙喇精騎八十名。斫卒四十名。往錦州捉生。五月。同圖爾格率擺牙喇兵。宗自出邊渡遼河。沿張古臺河駐劄。保守外藩蒙古。並扼敵兵。

太宗諭之曰。敵若來犯。必先侵爾等所駐防一路蒙古。爾等當從陽石水河北岸。抵張古臺河立營。預分兵為二隊。一隊簡選精銳。令勞薩等八將統之。一隊令圖爾格統之。嘗見千兵合為一隊。則覺其少。千兵分為數隊。則覺其多。爾等可先分為二。後合為一。再令喀喇沁兵與爾兵同駐。若遇敵至。勞薩一隊前擊。圖

爾格殿後。敵若自渾河內偏。度能追及。乃與之戰。若相距太遠。不必追擊。倘深入我西拉木輪河。則擊之。駐防數年。敵不敢犯。尋以効力行間有功。加世職為三等梅勒章京。

賜名順科洛巴圖魯。九年八月。隨墨爾根代青貝勒多爾袞。往收察哈爾林丹汗子額爾克孔果爾額哲。勞薩乘夜前往。拆毀長城。遇明羊房口步兵出。迎擊敗之。又敗寧武關哨卒。斬十人。生擒二人。遂毀關入畧代州。又於黑峯口。擊明遊擊下哨卒四十人。俱斬之。得馬三十餘匹。十年三月。

命往明喜峯口。潘家口。賚書還。遇明邊外哨卒二十五

人。斬二十三人。生擒二人。獲馬十匹。崇德元年

六月。率甲士一百十八人。往明國沿邊躡踪。七

月。至冷口。遇明哨卒十四人。斬三人。生擒一人。

獲馬十五匹而還。十二月。從征朝鮮。率兵三百。

偽為商人。星夜往圍朝鮮國王所都王京。有朝

鮮二副將。四遊擊。六備禦。率精兵六千餘迎戰。

勞薩盡破之。進抵王京。朝鮮王棄國逃遁。即穿

爾登城追之。至四十里南漢山城。有敵兵將入南漢

城。勞薩截殺二百餘人。南漢城中有兵四百餘

出迎。復擊敗之。二年正月。奉

命率噶布什賢全軍還

盛京。三年九月。隨揚威大將軍貝勒岳託。證明。由

北京征山東。率四固山噶布什賢兵。駐邊外五

隘。斬四十人。生擒三人。發五處埋伏火藥。進

邊之日。遇墻子嶺城遁出馬兵三百。擊敗之。獲

馬八十六匹。有明兵五百自北京城出。埋伏二

處。勞薩俱擊敗之。斬一千總。生擒三人。獲馬十

一匹。明吳總兵率馬步兵八千來拒。正紅旗察

哈爾蒙古阿蘭泰怯戰旁走。勞薩同圖賴率衆
轄。卽由阿蘭泰走處直入對陣擊敗之。敵兵夜
犯噶布什賢西忒庫營。勞薩聞礮聲。尋至彼處。
擊其一營。敗之。又率四固山噶布什賢兵。追敵
哨騎。生擒十九人。斬首一百七十七人。獲馬一
百三十五匹。四年。加世職爲二等梅勒章京。五
年。二月。率兵往廣寧捉生。五月。奉

命同吳拜率噶布什賢兵。並每旗下轄十人。由中後所
北往畧海邊一帶。尋勞薩等由中後所北面入。
勞薩駐兵西面。吳拜駐兵東面。分兵一半沿海

搜畧。獲馬二十四匹。牛一百六十三頭。驢四十
頭。人十六名。斬二百二十人。是月凱還。緣事降
世職爲一等甲喇章京。革順科洛巴圖魯名。六
年七月。隨和碩鄭親王濟爾哈郎圍錦州。率噶
布什賢兵。誘松山敵兵出。遂馳還。伏而擊之。獲
馬百匹。甲九十副。明經畧洪承疇軍來戰。方覓
親隨轄員後營。忽遇敵二隊。遂進擊。會王貝勒
等統兵至。又合兵追至城壕。敗之。往塔山東捉
生。復擒騎兵一人。因加世職爲二等梅勒章京。
復

賜名順科。洛巴圖魯。尋隨睿王多爾袞。與明洪承疇三隊兵戰。歿於陣。

太宗軫悼。遣內大臣攜酒往奠之。七年。加贈三等昂那章京世職。以子程尼承襲。順治十二年。

世祖章皇帝以梅勒章京。三等精奇尼哈番。勞薩順科。洛巴圖魯。當

太祖

太宗時。據忠効力。著績行間。

賜諡忠毅。照一品大臣例。立碑於墓。用傳不朽焉。勞薩族人顧巴察者。康熙十五年。以護軍叅領從征。

叛鎮王輔臣。至陝西。進取綏德州。敗賊於虎爾隘嶺。隨進攻平涼。距城八里。有偽總兵王繼正領兵拒敵。率本固山兵隨大兵擊敗之。繼正復集賊兵來犯。顧巴察又隨大兵進擊。歿於陣。二十五年。議卹。贈拖沙喇哈番。以弟之子希門德承襲。

程尼。勞薩子也。以崇德七年。襲父三等昂那章京世職。順治七年。九年。三遇

恩詔。進封一等伯。任議政大臣。尋隨定遠大將軍敬謹親王尼堪往湖廣。征偽秦王孫可望等。戰於衡

州府與王俱歿於陣。由一等伯卹贈加一拖沙喇哈番。以其叔父羅璧襲爵。十二年九月。

賜祭葬。諡誠介。立碑於墓。碑文稱其承襲父職。弗替家聲。爲黑白昂邦。小心匪懈。克稱厥任。迨征湖廣。禦敵從王。捐軀報國。可謂始終盡瘁。特勒貞珉。以光泉壤云。

羅璧。勞薩順科。洛巴圖魯之弟。初任牛叅章京。同折爾德。清善。雅賴。率步兵一千。往新城一帶。遇明將毛文龍。採參船四隻。殺六十人。毀其船。崇德五年。從官兵征明。圍錦州。擊杏山馬兵。斬

殺二人。又擊松山馬兵。敗之。六年。復隨官兵圍明錦州。有松山馬兵來犯。我紅衣礮。率本甲喇兵。擊敗之。錦州步兵出城。樵採。羅璧領纛直前。斬殺甚衆。旋於木河設伏。敗錦州馬兵。又從擊明經畧洪承疇三營步兵。不違指授。領纛步戰。敗其衆。身受八傷。戰彌厲。七年。敘功。授牛叅章京世職。順治元年。隨睿王多爾袞。進山海關。破流賊。復追至慶都縣。敗之。二年。以梅勒章京。隨征流賊。至延安府。城內賊兵出犯。我輜重。率本固山兵。擊敗之。進至延安府。連營困之。城內有

八旗通志 卷一百一十三
賊馬步兵來犯。羅璧同燾章京車爾布擊却之。又同固山額真覺羅巴哈納招服鳳翔府地方。併遣人招服四堡。又擊敗流賊第二營。旋同梅勒章京阿拉善。明安達禮。往探賊踪。敗賊吳伯兵三千人。三年敘功。加半個前程。七年。九年。三遇。

恩詔。加至一等阿達哈哈番。十二年。兄子程尼戰歿。羅璧襲其一等伯。又一拖沙喇哈番。併加已所得世職爲二等公。

布顏代額駙。滿洲鑲紅旗人。原係吳魯特貝子。

姓博羅濟錦氏。

太祖高皇帝創業之初。布顏代自西拉塔喇地方。率部屬投誠。以格格妻之。授二等叅將世職。天命十一年。從大兵征明。攻寧遠未下。遇覺華島明兵。卽同吳內格榜式。率蒙古固山兵擊走之。天聰三年。從征明至北京。入大安口。四遇敵兵。領燾進擊敗之。又遇蘆溝橋兵。領燾率七人當先擊敵。喀喇沁善巴塔布囊所居城。有敵兵來犯。布顏代率兵擊却其衆。四年。圍明永平府。領燾率五人前進。擊敗對陣敵兵。官兵駐札遵化。同吳

內格榜式取糧深入。擊山上駐立敵兵。斬四十餘人。從攻大同。率蒙古敖漢兵爲前隊哨探。遇敵兵擊敗之。敵兵設伏於陽河。同葉臣大敗其衆。五年。從征明大凌河。城內兵出犯。領纛前進。斬一人。被創一處。八年。敘功。加世職至二等梅勒章京。是年六月。從征察哈爾。率蒙古擺牙喇兵。由哈麻爾嶺一路前進。收獲察哈爾國來歸一喇嘛。及俄爾寨圖。退圖三人。併所率弓手一百五十人。馬七十匹。駝一百二十四隻。牛二百六頭。羊千隻。又於西拉木輪河源。獲來歸男婦

幼小四十人。又遇察哈爾國逃來百餘戶。招降之。俱携以歸。尋授禮部承政。調蒙古固山額真。緣事降世職爲一等甲喇章京。崇德元年。隨大兵征朝鮮。聞報有海船數隻。同色特立塔布囊夜往擒獲敵船二隻。又同梅勒章京那爾賽領兵前進。射殪敵一人。斬一人。六年。從征明圍錦州。擊敗松山步兵。同梅勒章京勞薩率兵前進。領三纛深入。鎗刺一人。被創二處。追擊錦州兵。斬一人。被創二處。城內兵出犯本旗刈草汎地。同梅勒章京和託擊却之。被創一處。順治元年。

隨睿王多爾袞進山海關擊流賊。復追賊至慶都縣。俱有功。議敘加半個前程。授為一等甲喇章京。兼半個前程。是年。隨定國大將軍豫親王多鐸征流賊。至陝西。在潼關駐兵。賊兵夜犯我營。隨官兵擊退之。埋伏噶布什賢兵與賊交戰。布顏代敗賊兵二次。被創二處。進征江南。渡黃河駐營。與佟南步兵接戰。所乘馬被傷。猶奮勇深入。射殪敵人。二年二月。傷發卒於軍。年六十一。

綽和諾。滿洲鑲紅旗人。姓那木都魯氏。世居東

海。倭濟艾滿地方。乃明安圖巴顏第三子也。明

安圖巴顏當

太祖高皇帝時。同康古禮。烏祿堪。來歸。

太祖嘉其誠。賜宴。併賜金銀彩緞等物。遣之往率所屬

偕來。明安圖巴顏感

太祖厚恩。即將長子哈哈納。三子綽和諾為首。率子弟

家屬。並千餘人。丁來歸。綽和諾年幼有大志。欣

然歸附。

太祖以其所屬人丁編為牛錄。令綽和諾管其一。從征

扎庫塔。身受二創。又從征山巖哈達。及瓦爾喀

八旗通志 卷一百二十三
什。並以力戰被創。又從征西綿遼東沙嶺錦州四處城。俱未披全甲。止穿額爾布甲。直前力戰。有功。額爾布甲者。綿半臂也。尋以克遼東。議敘授遊擊世職。

賜一世管牛彖戶口。

簡置十六大臣之列。從攻沙嶺城。率五牛彖兵攻克之。旋領兵往科木索地方駐防。有台洲寧古塔所居周善。殺守者遁去。綽和諾追及海濱。斬之。併同逃之衆盡斬不遺。事聞奉

旨以俘獲之物俱賜之。天聰五年。從征明大凌河。所向

率兵衝擊。遇明監軍道張春前隊兵。力戰歿於陣。加贈一等叅將世職。無子。以兄翁柯尼承襲。又

賜翁柯尼新降虎爾哈人一百名。令其管理。八年。緣事革職。以子傅夸禪襲職。

傅夸禪。初隨父兄投誠時。年甚幼。任壯尼大。從征大陽口。射殪二賊。一賊乘馬疾馳。復追擊斬之。獲其馬以歸。又同壯尼大二人。擺牙喇二人。擊敗敵兵。自倭托里地方前往捉生。生擒一人。天聰五年。從征大凌河力戰。所乘馬傷。仍奮勇

八旗通志 卷一百六十三
擊敵獲纛一桿。又衝入敵隊。被創。同布音率擺牙喇二十人埋伏。有壯尼大要奎者。誘敵至汛地。將戰。忽墜馬。傅夸禪援出之。明監軍道張春援兵銳甚。傅夸禪衝入其前隊。身中四創。崇德元年。從征朝鮮有功。又從征明寧遠。被創。仍同合希前進。射殪敵一人。又越吳三。胡什布之前。射殪一人。三年。從征明大同。取商顏寨。足中一傷。八年。襲父翁柯尼。一等甲喇章京世職。尋陞理事官。兼甲喇章京。順治二年。以

定鼎燕京。加授半個前程。三年。外陞鎮守西安等

處昂邦章京。四年四月。統領滿漢官兵。往征甘州流寇。擊賊首郭鎮君。劉文秉。馬步賊二千。敗之。斬郭鎮君。生擒劉文秉。聞賊首衛天命聚賊千餘。遣侍郎額色率兵擊敗之。生擒衛天命。斬首五百。進圍河州城。遣官兵擊敗賊援兵二千。斬首千餘。遂進攻甘州。有賊兵二千出城運草。遣官兵擊敗之。斬首四百。賊兵自城中突出來犯。復擊敗之。斬首二千有餘。旋同總督孟喬芳議分派官兵。用雲梯進攻。遂克甘州城。聞偽都堂劉永祚領千餘賊兵。困韓城縣。遣兵擊敗之。

又聞三水縣有賊首劉宏才屯扎。遣侍郎額色率兵往勦。賊乘夜來犯。擊之。斬千餘人。招撫河州城。斬賊首王大洪。又遣官兵招撫高山二千餘賊。降涼州城。七年。九年。三遇

恩詔。加世職至一等阿思哈尼哈番。十八年。改鎮守西安等處昂邦章京。爲鎮守西安等處將軍。康熙三年。以西安將軍統兵勦四川湖廣逆賊郝搖旗。郝爲勁賊。自明末猖獗二十餘年。莫能撲滅。傅夸禪遣副都統杜敏提督鄭蛟鱗率官兵往搗賊巢。聞郝搖旗袁宗第等遁去。杜敏鄭蛟鱗

遣佐領巴達席及署總兵官梁加琦等追至黃草坪。擊敗郝搖旗二營兵。生擒搖旗。又擊敗袁宗第二營兵。生擒宗第。併僞部院何育鰲及賊婦子千餘。獲賊僞印勅。招撫僞總兵十四員。兵七千餘。生擒僞王朱宗蒞。併獲賊僞印關防勅劄。數十年強寇。一朝盡滅。關陝人慶更生。四年。敘功。加世職爲三等精奇尼哈番。七年。致仕。八年三月病卒。

聖祖仁皇帝遣官致祭。恩禮有加焉。

八旗通志

八旗通志

卷一百一十三 名臣列傳二十三

七

初集

太祖高皇帝時。同弟率戶口來歸。授副將世職。妻以宗
室之女。將所屬人丁編爲牛彖。以哈哈納管其
一。初從征烏喇。隨貝勒阿巴泰擊敗敵兵。身中
鎗傷二。箭傷一。刀傷三。

賜人三口。天命四年。從征葉赫。隨貝勒阿巴泰擊敵有
功。又從征瓦爾喀什之阿卜達里岡。三敗敵兵。
大兵征牛汪佳哈城。及山巖哈達。瓦胡穆峩佛
洛等處。並從行擊敵有功。旋率本旗兵往賽明
吉地方戍守。聞其地漢人盡行叛逃。守將馬爾
圖追之不及。哈哈納星夜追尋。斬首三百餘級。

獲男婦五百餘。

朝廷嘉其功。將所得叛渠鞍馬弓矢盡

賜之。併

賜婦人一口。衣服五囊。尋有五萬餘賊兵來攻扎飛燕
嶺。哈哈納率兵力戰却之。中傷三處。

賜馬一匹。姑喇庫峩佛洛地方有朝鮮兵一隊來窺我
汛地。哈哈納隨貝勒阿巴泰擊敗之。又從攻西
密岩城。隨貝勒阿巴泰擊敗敵兵。克其城。六年。
從征遼東。同固山額真博爾晉轄進戰破敵。併
擊敗其援兵四隊。

賜銀八十兩。緞八疋。毛青布八十疋。又從攻開原鐵嶺。銀州三城。俱有功。隨貝勒阿巴泰攻撫順城。克之。又同固山額真博爾晉轄攻沙嶺城。克之。擊敗廣寧援兵五萬。天聰八年。隨官兵畧錦州。於錦州城下。擊敗敵兵。征寧遠時。布蘭朱陣亡。哈納未及戴盔。身先貝勒擊敗敵兵。所乘馬被傷死。從修海州城。明兵來爭。於黎明時至英樹村。哈哈納聞礮聲。即率本旗兵前行。敵眾敗退。率兵追擊。獲男婦無算。聞耀州被明兵圍困。哈納率本旗兵往援。敵眾遁走。哈哈納渡河追

擊。斬十餘人。獲馬三十匹。又隨武英郡王阿濟格攻昌平州。涿州。並敗敵有功。尋因哈哈納任事稱職。授以方畧。遵守弗違。

特簡為十六大臣。令其出則領兵屯戍。居則料理庶事。

未幾。傷發病廢致仕。長子戴祿。原任牛錄章京。崇德八年。隨官兵征明至北京。有明兵拒敵。擊敗之。明總兵王某自薊州敗走。戴祿率兵追擊。斬殺甚眾。進攻玉田縣。敗城內出戰兵。又進攻河間府。所屬兵索爾和訥首先登城。至山東攻滕縣。克之。又攻曹縣城。所屬兵巴哈達復首先

登城。

賜銀緞布馬匹。順治元年。隨官兵征流賊。攻潼關。敗賊兵。二年。從征福建。擊賊有功。又攻建寧府。敗賊兵五百。攻浙江諸暨縣。擊敗賊兵。獲鎗礮軍器甚多。戴祿子噶篤渾。原管牛朶。順治十五年。從安南將軍內大臣達素攻臺灣。擊海賊鄭成功兵。敗之。康熙十五年。從征平涼。有功。又從撫遠大將軍公圖海。率官兵攻興安州。有僞總兵王遇隆。領兵二千拒敵。噶篤渾率西安府駐防四旗兵擊敗之。進攻保寧。擊敗敵兵。沉其船。又隨

建威將軍佛尼勒。攻盤石關等處。率本旗兵敗賊。至秦州攻城。身先進戰有功。哈哈納第四子費揚古。原管牛朶。康熙十三年。隨官兵征逆藩吳三桂。至湖廣彝陵。有僞將軍陶繼智等。自宜都領戰船三百餘隻。賊兵萬餘逆戰。費揚古隨護軍統領額思泰。率舟師衝入。顛門中頭等傷力戰。獲賊大船。議敘得二等功牌。僞將軍王國佐等。領賊萬餘。在攸縣拒敵。率本甲喇兵敗之。追擊十餘里。斬獲甚衆。永興之役。擊賊胡國柱兵。戰一晝夜。敗之。進攻長寧縣獅子嶺等處。費

揚古俱為頭隊。衝鋒陷陣。十九年。補授驍騎叅領。二十五年。補護軍叅領。二十九年。陞平郡王長史。三十五年。陞本旗漢軍副都統。是年。征厄魯特噶爾丹。中路進兵。以副都統兼管火器營。三十六年卒。

八旗通志初集卷之二百六十四

名臣列傳二十四

鑲紅旗滿洲世職大臣三

瓦爾喀

族人額德 額德孫舍爾圖 蘇布什 蘇布什子懇赤赫 吳孫 胡錫 孫玳 族人

朱希奇

康喀爾

兄之子莽佳 和託 莽佳子佟佳 族弟

鰲貝

杜敏

子蘇敏

科爾坤

父喜福

穆爾泰

父喀爾岱 孫阿爾遜

查哈泰

弘世祿

孫佛保

賀布索 父和託 族人吳達立 阿爾虎

牛鈕 族人巴智宜喇赤 岳洛 岳洛子雍 極納

拜音布 族人勞沙 勞沙子馬爾泰 族兄 炳圖

何克屯

法喀 曾祖南濟蘭 族人佛克拖 曾伯祖之子胡拉哈

巴林 殷泰 族兄之子胡善

額倫特 祖索爾和諾 花色

瓦爾喀滿洲鑲紅旗人。世居完顏地方。以地爲氏。初隨大兵征明。至大同。攻金平城。進攻商顏寨。又攻陽平縣城。並以被創賞銀。尋從征蒙古。多雲布什坦有功。天聰三年。從大兵征明。攻昌平州。又以被創賞銀。崇德三年。隨貝勒岳託征明北京。攻沙林城。又進攻懷來縣城。並被創。攻寶抵縣城。乘頽垣先登。亦被創。並獲賞銀。至山東。用雲梯攻海豐縣城。克之。五年。從睿親王多爾袞攻明錦州松山。被創四處。八年。隨貝勒阿巴泰征明。至山東。用雲梯攻范縣。獨於一處用

鎗挖磴。以第二人登城。克之。順治元年。隨睿王多爾袞進山海關。擊敗流賊。五月。從固山額真葉臣征山西。攻克太原府城。二年。陞噶布什賢壯尼大。三年。從肅親王豪格征四川。敗流賊八大王張獻忠兵。我阿爾泰牛录下擺牙喇阿納海。被賊十人圍困。瓦爾喀馳入。斬二人。救阿納海以出。所至擒賊哨騎。凡斬殺二十一人。生擒十人。五年。敘功。授拖沙喇哈番。是年。同倭和訥率兵往大名府駐防。路過祁州。有土賊騷擾。率兵往剿。盡殲之。又往清豐縣。屢敗土賊。有賊困

臨洛關。瓦爾喀率兵破賊一營。別將倭和訥率兵攻五閘村三臺。有土賊馬兵三百。步兵一千來援。瓦爾喀擊敗其衆。斬賊千餘。六年。隨梅勒章京薩爾庫塔。送火藥與平西王吳三桂。攻府谷縣。克之。七年。九年。三遇

恩詔。加至三等阿達哈哈番。陞工部理事官。督造

乾清宮等宮殿。以催辦勤慎。加爲一等。又督造

上帝壇

奉先殿辦事小心。加爲一等阿達哈哈番。十五年。隨征

僞桂王至雲南。攻沅江府。率本旗雲梯兵登城。

擊賊。康熙四年。陞甲喇章京。兼督捕衙門左理。五年。陞西安副都統。六年。邊外有蒙古犯。率兵防守。七年。陞西安將軍。十二年十一月。逆藩吳三桂反。十二月。奉

聖祖仁皇帝命。率兵進四川。

特加勅諭。四川與滇接壤。今吳三桂已反。爾可率副都統一員。悉領騎士。選撥將領。星馳赴蜀。凡自滇入川。險隘之地。俱行堅守。大兵不日進剿雲南。俟我師臨境。賊勢漸分。倘有可乘之機。爾卽與提督相機進討。至西安等處。朕當刻期遣發禁旅。前來駐防。瓦爾喀

尋同安西將軍都統赫業。率兵由漢中入蜀。十

三年正月。又奉

勅諭。朕思賊兵必犯巴蜀。爾所部官兵無多。應戰應守。

宜熟籌以行。爾須兼程前進。當卽令將軍赫業。胡禮布等。率領大兵隨後。爲爾應援。又奉

勅諭。爾久歷戎行。素稱諳練。朕可無西顧之憂。但大兵至蜀。或綠旗已叛官兵。及吳逆僞屬官兵。有來降附者。隨宜撫納。仍應密爲防閑。其嚴設巡哨。整飭營壘。爾自能周知。無庸再諭。兵部郎中託必泰。前奉使往蜀。今鄭蛟麟旣叛。度必羈留不還。爾等或令人持書

往論大略言爾雖反叛。朝廷猶念爾係從前効力之臣。一時出於迫脅。固不可知。爾在京子孫家產。並未按法收繫。可將託必泰速行遣還。否則大師壓境。克復城池。雖悔莫及矣。爾綠旗已叛官兵。爾等相機招撫。便宜行之。三月。有吳逆偽葉總兵竊據陽平關。瓦爾喀爾喀同署前鋒統領穆占等。率官兵進勦。自野宜將狐嶺直抵陽平。擒斬賊衆三千有餘。復取陽平。肅州關。奉旨嘉獎。下部議叙。五月。同安西將軍赫業克七盤朝天等關。八月。卒於軍。十四年五月。

賜祭葬。諡襄敏。族人額德。天聰七年。以壯尼大隨征。明攻旅順口。乘船進擊。又與城門敵兵交戰。矢盡。奮勇殺入。歿於陣。八年。贈半個前程世職。以子赫爾素承襲。順治七年。九年。三遇

恩詔。加至三等阿達哈哈番。子舍爾圖。順治十三年襲職。康熙十五年。從征江西廣東廣西並有功。二十年。進征雲南。隨征南大將軍賴塔敗賊於黃草壩地方。乘勝進攻雲南城。擊偽將軍胡國秉等。歿於陣。二十五年。加贈一等阿達哈哈番。以子衆神保襲職。又有蘇布什者。亦瓦爾喀族人。

順治元年。隨睿王多爾袞進山海關。擊流賊有功。二年。授半個前程世職。七年遇

恩詔。加爲拜他喇布勒哈番。子懇赤赫。順治五年。從征江西。擊敗金聲桓兵。八年襲父職。九年遇二次恩詔。加爲三等阿達哈哈番。十一年。從征廣東。敗李定國於新會縣。十三年叙功。加爲二等阿達哈哈番。緣事降爲三等阿達哈哈番。又有吳孫者。亦瓦爾喀族人。初任擺牙喇甲喇章京。順治二年。從豫親王多鐸。征流賊至潼關。敗賊第一營第二營兵。三年。又隨豫親王追騰機思於布爾哈

圖山。瞭見敵兵。卽隨固山額真庫魯克達爾漢阿賴追及。斬殺五人。旋破土謝圖汗及碩雷汗兵。俱在事有功。四年。授半個前程世職。七年。九年。三遇恩詔。加至三等阿達哈哈番。又有名胡錫者。係瓦爾喀

族子。順治十八年。以壯尼大從征山東。賊呂思曲有功。康熙十三年。從征逆藩耿精忠至江西。隨定西將軍希爾根。敗賊於建昌府新城縣。又隨安親王岳樂。征逆藩吳三桂。破賊於江西之萍鄉縣。至湖廣。攻長沙府城。歿於陣。二十五年。

贈拜他喇布勒哈番。以兄之孫樸廉承襲。又有孫玳者。亦係瓦爾喀族子。從征李定國。在廣東雲南俱有功。康熙十三年。隨征逆藩吳三桂。至四川盤龍山。娘娘廟。張飛廟。槐樹驛。小梅嶺。龍潭驛等處。俱有功。授拜他喇布勒哈番。十五年。隨征以佐領委署夸蘭大。從征叛鎮王輔臣。在秦州北山。屢敗賊衆。又在羅家鋪。鹽關。牡丹園等地。方擊賊有功。仕至王府長史。前於世職。朱希奇。西安將軍瓦爾喀族子也。天聰八年。以辦事有能。不違指使。授三等甲喇章京世職。從

征察哈爾。朝鮮。錦州。松山。杏山。及山東濟南府。臨清。山海關。山西大同等處。並有功。崇德八年。隨饒餘貝勒阿巴泰。證明。擊敗范軍門兵。從攻永平府。面被創。落二齒。順治三年。隨豫親王多鐸。追騰機思。以委署梅勒章京。率本旗兵。隨官兵擊土謝圖汗。及碩雷汗兵。俱敗之。復追至布爾哈圖山。隨貝子博和託。大敗其衆。俘獲子女二十二。人。馬一百九十五匹。駝十九匹。牛一百一十頭。羊七百隻。四年。陞奉天梅勒章京。七年。九年。三遇。

八旗通志 卷一百六十四
恩詔。加世職至一等阿達哈哈番。又一拖沙喇哈番。子
敖哈。康熙十三年正月。以夸蘭大從征逆藩吳
三桂至湖廣。七月。賊自岳州城出犯。隨官兵擊
敗之。十八年十月。有二百餘賊兵。乘船夜來攻
我屯糧所。敖哈擊敗之。仕至侍郎。

康喀爾。滿洲鑲紅旗人。姓納蘭氏。世居輝發地
方。天聰八年。以辦事有能。不違指使。授牛錄章
京。世職。崇德五年。任本旗蒙古梅勒章京。順治
元年四月。隨睿王多爾袞進山海關。擊流賊有
功。二年議叙。加半個前程。是年。隨豫親王多鐸

南征。同固山額真準塔。率師至清河。有僞侯劉
澤清所部總兵馬化豹。副將張思義等。領兵四
萬。船千餘隻。據淮黃清三河口。連營十里。康喀
爾同遊擊范炳。吉天相等。率兵渡清河。列營相
拒。以礮擊敗敵艦。僞軍門田仰。率步兵三千於
湖口橋駐立。康喀爾同譚布步戰敗之。有步兵
八千營於三里橋。率本噶喇兵擊敗之。又同譚
布敗其步兵七千於海安。獲船八十隻。進至如
臯縣。敗其步兵五千。又擊敗僞軍門田仰步兵
一千於馬家口。至通州。同譚布用雲梯攻克其

城。招服三縣。尋奉

命同梅勒章京巴山率兵鎮守江寧。三年正月。江寧府

城內民與城外賊同謀作亂。康喀爾察知。卽遣

兵捕誅爲首者三十人。僞潞安王瑞昌王率兵

二萬餘。三路入犯。康喀爾遣兵擊敗之。叙功。加

世職爲三等甲喇章京。仕至梅勒章京。兼刑部

侍郎。兄通貴。原係輝發國貝子。

國初率兄弟及村中人投誠。授備禦世職。初編牛

衆。使管牛衆事。又有其兄之子曰莽佳者。初任

理藩院副理事官。年滿考察。以辦事有能。於順

治四年。授半個前程。七年。九年。二遇

恩詔。加至三等阿達哈哈番。莽佳子佟佳。於順治十二

年襲職。十八年。隨季什哈征山東賊于七。有三

百餘賊下嶺來犯我營。佟佳同夸蘭大查哈泰

擊敗之。賊首呂思曲。又領八千餘賊。下嶺來犯

我營。復率兵擊敗之。又於鋸齒牙地方。敗賊首

俞三。康熙六年。陞前鋒叅領。十四年。隨撫遠大

將軍信郡王鄂扎。征察哈爾布爾尼。屢敗賊兵。

叙功。加一拖沙喇哈番。授爲二等阿達哈哈番。

十七年。擢副都統。十八年。陞護軍統領。由陝西

進四川。征逆藩吳三桂。在雲陽等處。擊敗逆賊譚洪三萬餘衆。兵部議覆。准爲三等軍功。奉

聖祖仁皇帝特旨。改爲二等。二十三年。陞本旗蒙古都統。族弟和托者。順治元年。以噶布什賢章京。隨豫親王多鐸。征流賊。屢敗賊兵於潼關。二年五月。征南京。敗敵於江寧府。六月。隨貝勒博洛。征杭州府。擊敗僞國公方國安。僞大學士馬士英。兵。進征福建。擊僞楊軍門。及姜總兵。俱敗其衆。至汀州府。於近城房屋上立木。繼蘇爾濟後。以第三人登城。克之。九年。叙功。授拖沙喇哈番。是

恩詔。加至拜他喇布勒哈番。又一拖沙喇哈番。十六年。從征雲南。敗僞鞏昌王白文選兵。生擒十一人。獲馬四十匹。進取永昌府。率兵往奪瀾滄江之鉄鎖橋。擊賊步兵。大敗其衆。又有馬喇者。亦康喀爾族弟。順治十六年。以三等轄委署甲喇章京。隨內大臣達素。征海寇鄭成功。敗賊於廈門。得頭等功牌一。

鰲貝。滿洲鑲紅旗人。姓傅察氏。世居輝發地方。初任牛叅章京。順治元年。隨睿王多爾袞。進山

自成第二營兵。同梅勒章京羅璧敗之。至陝西延安府。賊來犯我輜重。文延安府城內兵亦出城來犯。杜敏與梅勒章京羅璧奮擊。並敗之。流寇賀珍來犯西安府。杜敏同齊墨克圖。邦鈕兩敗其衆。又與哈哈木往征湖廣鄖陽府流寇。率甲士四十人。擊敗賊王二兵。又敗賊首方科成。有賊錢魁率兵來戰。杜敏同兆山敗之。又同夸詹擊敗賊首王二。李副將。及王三兵。又與杭舒擊敗賊首劉洪。賚及偽參將安貴亨等。至解州。破賊首雷鳴塞。用雲梯攻芮城縣。杜敏兵先登。

遂克其城。順治九年敘功。授拖沙喇哈番。是年遇二次。

恩詔。加至拜他喇布勒哈番。又一拖沙喇哈番。十五年。

從征貴州。在十萬崎山。敗偽總兵羅大順。兵二次。康熙三年。以副都統駐防西安府。隨將軍傅夸禪。統兵勦四川湖廣流賊郝搖旗。袁宗第。並生擒之。又擒偽王朱宗滂。招降偽官兵丁。併獲偽印關防勅劄。四年。加世職至二等阿達哈哈番。子蘇敏。以康熙五年襲職。十七年。隨征逆孽吳世璠。至廣西柳州府桃屯地方。擊賊偽將軍。

八旗通志 卷一百二十四
范齊韓詹仰兵有功。十九年隨征南大將軍賴塔進雲南。二十年正月敗偽將軍何繼祖等於石門坎。乘勝進抵雲南城。擊偽將軍胡國秉等兵敗之。蘇敏並在行間有功。二十五年議敘。加世職爲一等阿達哈哈番。
科爾坤滿洲鑲紅旗人。姓薩克達氏。世居納穆都魯地方。祖葉古德。於
國初率戶口來歸。

太祖高皇帝賜以妻室。編其人爲牛彖。使管牛彖章京事。又爲五牛彖長。列七備禦。官副將。監造衝梯。

藤牌。凡偵敵者皆屬焉。父喜福原任兵部理事官。初隨征撒哈連烏喇。同七固山招撫黑素村。又同鑲黃旗用礮攻順圖爾禪。獲丁壯四十名。順治三年從征四川。聞賊賀珍圍漢中府。隨尚書覺羅巴哈納往援。擊敗賊兵。至生蓋地方。擊敗偽宗總兵。至太原府。破賊於寧武關。左衛賊兵出城拒敵。仍率兵擊敗之。五年考績。授一拖沙喇哈番。七年九年三遇。

恩詔。加至三等阿達哈哈番。十五年傷發身故。加贈三等阿達哈哈番。科爾坤初襲父二等阿達哈哈

八旗通志 卷一百二十四
番。順治十五年。隨征雲貴。至涼水井。擊敗僞侯李成蛟。進至魯噶地方。擊僞晉王李定國。並有功。康熙十二年十一月。以副都統率兵駐防太原。尚未行。值逆藩吳三桂反。西安官兵調往四川。遂奉

命移駐西安。十三年正月。四川巡撫羅森提督鄭蛟麟總兵譚洪。吳之茂等。以四川降賊。聲言將分路寇漢中。下夔州。科爾坤復奉

命率師往漢中。六月。復率官兵赴廣元。會同四川總督周有德進剿。九月。僞將軍吳之茂自保寧府至

昭化縣。同僞總兵彭士亨領賊五千餘。從江上乘船來犯廣元。科爾坤率八旗官兵。偕周有德等標弁夾擊。自朝至夜。酣戰。大敗之。斬僞遊擊徐應昌。賊夜遁。十六年。自漢中回兵至金水河。遇僞總兵彭士亨領八千餘賊拒敵。科爾坤率兵擊賊。歿於陣。十七年十一月。賜祭葬如例。二十五年議卹。加贈三等阿思哈尼哈番。以孫額爾白訥襲職。

穆爾泰。科爾坤族人。父喀爾岱。於國初率眾投誠。以其人編為牛錄。即令喀爾岱管

牛彖章京事。天聰八年。從征瓦爾喀。招撫三百三十餘人。尋陞海州城守尉。又轉寧古塔城守尉。是年病卒。穆爾泰襲管牛彖章京事。順治二年。隨征陝西流寇。擊賀珍敗之。又率滿洲兵七十人。擊斬敗兵四百。尋陞愛什喇庫哈番。又擢噶布什賢轄。以委署彖章京征山西。至潞安府。有偽總兵張道貫。領五十餘騎。來窺我營。率兵追擊。直抵贖營。敗其兵六百。獲偽道印一顆。馬騾四十五匹。至陝西攻肅州被創。賞人一口。馬一匹。尋陞梅勒章京。因屢立軍功。授拖沙喇哈

番。又加爲拜他喇布勒哈番。十五年。從征貴州。八月。卒於軍。

賜祭葬如例。孫阿爾遜以委署叅領。從征湖廣。在南漳縣擊敗賊兵三千。又在泰黃岡外蘇家河。有逆賊譚文著。領船二千餘隻拒敵。阿爾遜隨衆進戰。大敗賊衆。斬偽副將李文柱。獲船七十三隻。僞官七十一人。兵一百八十三名。僞關防三顆。總兵副將劄付一百八十七張。兵器無筭。查哈泰。穆爾泰弟也。初以代子職。隨征董夔。永平。大陵河。中後所。大同等處有功。委署章京。從

攻濟南真定二府。又有功。天聰元年。從征朝鮮。往困納穆山。奮勇先驅。崇德六年。隨征明圍松山。擊敗明軍門洪承疇兵。用雲梯攻塔山。克之。八年。從征中後所。前屯衛俱有功。又從征瓦爾喀。獲阿蘇墨爾根及丁壯五十名。順治元年。隨豫親王多鐸。征流賊至潼關。屢敗賊兵。進征江南。監造戰艦。又攻武岡寨。先登。敘功。授半個前程。世職。二年。從征福建有功。加世職爲牛錄章京。五年。從征江西。叛鎮金聲桓。五戰皆捷。六年。從燾章京敦拜。勦河間土賊。斬首五千餘級。又敗賊於保定。任邱二縣。至都會集。大敗賊兵。獲賊船隻馬匹。取臺寨。又擊雄縣賊三千。敗之。尋陞太僕寺理事官。遇

恩詔。加世職爲三等阿達哈哈番。從征羅察。降其九村頭目人。授太僕寺卿。兼梅勒章京。緣事罷爲牛錄章京。十八年。以夸蘭大從征山東賊于七。率兵擊劫營賊。敗之。又敗賊四次。凱旋。監修

孝陵

昭陵。陞蒙古副都統。又轉滿洲副都統。往查江南浙江地界。康熙十三年。陞護軍統領。加太子少保。統

八旗通志 卷一百六十四
領大軍往江西。征逆藩吳三桂。耿精忠。

欽賜朝服一襲。弓一張。馬一匹。銀二百兩。

太皇太后賜酒食銀兩。尋改鎮東將軍。鎮守山東兗州

府。明年征湖廣。十五年七月。卒於軍。

賜祭葬如例。

弘世祿。滿洲鑲紅旗人。姓瓜爾佳氏。世居安楚
拉庫多爾濟江。順治十八年。以護軍叅領。隨定
西將軍公愛星阿征雲南。至緬國阿娃城。獲偽
桂王朱由榔。康熙三年。敘功。授拖沙喇哈番。十
四年。以副都統隨撫遠大將軍信郡王鄂扎。征

察哈爾布爾尼。叅贊軍務。布爾尼領賊三千。在
大魯地方拒敵。弘世祿同信郡王鄂扎。都統大
學士圖海。護軍統領哈克山。副都統吳丹。定議。
將官兵排齊。過山谷。連敗賊兵。又自率右翼官
兵破賊。共招撫察哈爾一千三百餘戶。敘功。加
世職至三等阿達哈哈番。二十年正月。隨征南
大將軍都統賴塔。率師進征雲南。擊偽將軍何
繼祖等。於廣西西隆州之石門坎。都統勒貝希
佛等。率前隊官兵進剿。弘世祿與賴塔分兵二
隊。以繼其後。大敗賊衆。斬殺甚多。奪石門坎隘

八旗通志 卷一百六十四
口。恢復安籠所城。其孫曰佛保者。康熙五十九年。隨官兵復湯古特。安藏有功。病卒於軍。雍正四年。贈拖沙喇哈番。弟五十五承襲。

賀布索。滿洲鑲紅旗人。姓納蘭氏。世居葉赫地方。父和託。崇德三年。以壯尼大隨大兵征明。率本甲喇兵擊豐潤縣兵敗之。又擊敗明馮太監侯總兵。進攻深州。以雲梯克其城。又攻博平縣。不用雲梯。率兵登城克之。敘功。授牛叅章京。世職三分之二。四年。隨曹海薩穆什喀。征撒哈連烏喇。獲人丁一百三十五名。又於牙格撒之邊。

乘縱火處。直入克敵撒哈連烏喇。旣降復叛。會合奔博果爾兵來犯。和託同曹海伏兵擊敗之。加世職爲牛叅章京。任兵部理事官。四載考察稱職。加半個前程。緣事革去半個前程。五年。從證明圍錦州。率本甲喇兵敗松山步兵。又敗杏山騎卒。直抵其步兵營。六年。圍錦州。明軍門洪承疇兵來犯我右翼。奮擊敗之。又從擊洪承疇三營步兵。率本甲喇兵拔其挨牌。直入。七年。從征寧遠。同梅勒章京譚布。伏兵擊敗明寧遠兵。順治元年。隨睿王多爾袞進山海關。擊敗流賊。

八旗通志 卷一百一十四
復追至慶都縣敗之。加世職爲二等甲喇章京。五載考察。以辦事有能。加爲一等甲喇章京。七年遇

恩詔。加一拖沙喇哈番。病卒。賀布索襲父職。九年遇二次

恩詔。加至二等阿思哈尼哈番。康熙元年。由叅領陞副都統。三年。隨靖西將軍穆里瑪。定西將軍圖海。征湖廣茅麓山賊。歿於陣。

賜祭葬如例。議卹。加一拜他喇布勒哈番。贈爲一等阿思哈尼哈番。又一拖沙喇哈番。其族人。有吳達

立者。康熙二十年。以八品官。從征雲南。逆孽吳世璠。敗賊於黃草壩地方。乘勝進攻雲南城。擊敗僞將軍胡國秉等兵。病卒。二十五年敘功。追贈拖沙喇哈番。子伊禮布承襲。

阿爾虎。滿洲鑲紅旗人。姓傅察氏。世居輝發地方。康熙十三年。逆藩吳三桂反於雲南。四川文武官叛降於賊。阿爾虎以副都統往征。十四年五月。至陝西寶鷄縣盤溪宮地方。擊僞總兵劉鰲三。伊思章兵。敗之。招撫歸川七堡子。僞叅將普國祥。遊擊龔金。張鳳鳴。都司李雲等。僞官七

人賊千餘。民六千八百。十月。至寶鷄縣棧道。仰
天池山上。擊敗僞彭總兵。李叅將兵。距寶鷄縣
三十里九龍山上。有李冉二姓僞總兵。領賊千
餘。扎立三營。阿爾虎同叅贊軍務副都統鄂泰
調遣八旗官兵。星夜奮擊。大殪賊衆。尋有四川
僞總兵石存禮。黑邦俊。楊天寶。徐宗炳等。領五
百獍獠。七千賊兵。出棧道益門鎮口。在西山扎
立七營。仍同鄂泰擊敗之。又敗益門鎮僞總兵
彭赫劉三人兵於仰天池山下。益門鎮東邵家
山。黃兒子溝。沈家坡等處。黃兒山上有彭赫蘇
貴兵。歿於陣。康熙二十五年。議卹。贈三等阿達
哈哈番。子博禮承襲。

賜祭葬。立碑於墓。碑文稱其職業無愆。任使克稱。始出
師於關隴。繼討逆於衡湘。志期敵愾。義切同仇。方殫
力於馳驅。遽殞身於行陣。逃稽載籍。死於王事者。則
厚卹之。能執干戈以衛疆圉。則春秋予之。睠懷匪躬
之臣。爰賁易名之典。是用錫之葬祭。諡曰敏壯云。
牛鈕。滿洲鑲紅旗人。世居覺爾察地方。以地爲

氏。康熙十三年。以佐領從征逆藩耿精忠。至浙江。隨副都統喇哈擊敗賊將王宗仁於諸暨縣。又於義烏縣擊敗偽龔都督兵。偽葉總兵等。自處州至臨善村拒敵。隨官兵擊敗其衆。偽將軍馬九玉領賊兵於舊溪千木山立營。牛鈕以步戰隨平南將軍賴塔敗之。又擊敗偽總兵桑明。有偽吳總兵者。領賊渡河。攻江寧兵營。牛鈕隨右翼四旗兵擊敗其衆。又敗偽兵曹閔可孝於下口。十七年。海逆鄭錦犯福建。偽總督徐天。於烏龍江前小門山鎮風山立營拒敵。牛鈕隨平

南將軍賴塔敗賊二次。又敗偽總督趙得勝等於太平山。往援泉州府。隨副都統紀爾他布敗賊於江東橋。遂解泉州之圍。十九年敘功授拜他喇布勒哈番。仕至副都統。病卒。

賜祭葬如例。其族人巴智宜喇赤以從征積有軍功。順治四年。追敘其功。贈牛彖章京世職。以子葉成格承襲。七年。九年。三遇

恩詔。加至二等阿達哈哈番。又有名岳洛者。以佐領從征江西。在遲斗關。南康府擊賊有功。繼往廣東。擊羅城縣山上賊兵。歿於陣。康熙二十五年。贈

拖沙喇哈番。岳洛之子。雍極納。從征逆孽吳世璠。在廣西石門坎黃草壩等處。隨征南大將軍賴塔擊賊有功。康熙二十五年襲父職。後追敘本身軍功。加爲拜他喇布勒哈番。仕至江寧將軍。

拜音布。滿洲鑲紅旗人。姓納蘭氏。世居烏喇地方。初任七品官。康熙十四年。隨撫遠大將軍多羅信郡王鄂札。討察哈爾布爾尼有功。授拖沙喇哈番。累陞至護軍叅領。三十三年。擢本旗漢軍副都統。明年。轉駐防右衛副都統。從征厄魯

特噶爾丹。由西路進兵。大敗賊衆。三十六年敘功。加爲拜他喇布勒哈番。四十四年。轉本旗蒙古副都統。五十二年。轉正黃旗滿洲副都統。五十三年。陞正紅旗蒙古都統。五十四年。陞荊州將軍。六十一年。以年老致仕。其族人名勞沙者。以軍功授世職牛彖章京。隨大兵攻明錦州城。歿於陣。天聰八年。加贈三等甲喇章京。世職。其子馬爾泰。崇德二年襲職。順治元年。隨睿王多爾袞進山海關。擊流賊有功。二年。加世職爲二等甲喇章京。七年。九年。三遇圖章。其

恩詔。加至三等阿思哈尼哈番。有炳圖者。拜音布族兄也。崇德二年。以擺牙喇甲喇章京隨征皮島。率擺牙喇兵船十隻。渡海擊敵。歿於陣。贈牛彖章京世職。以弟畢理克圖承襲。

何克屯。滿洲鑲紅旗人。姓納蘭氏。世居哈達地方。康熙二十年。以委署護軍校從征吳逆。在廣西石門坎黃草壩等處。隨征南大將軍賴塔擊敗賊衆。乘勝進抵雲南城。又隨都統希佛。追僞將軍馬寶等於烏木山。降之。二十五年敘功。授拖沙喇哈番。三十五年。從征厄魯特噶爾丹。由

西路進兵。擊賊有功。三十六年。加爲拜他喇布勒哈番。仕至副都統。

法喀。滿洲鑲紅旗人。姓費莫氏。世居長白山布爾哈屯地方。兄郭璞。曾伯祖之曾孫溫達。俱見諡法名臣傳。曾祖南濟蘭。於

國初自烏喇率二十五人來歸。賞鞍馬。領兵攻取李法伊罕山。授備禦世職。天命四年。從征葉赫。率本旗兵進戰有功。加世職爲遊擊。法喀於康熙二十年。以佐領從征逆孽吳世璠。至廣西石門坎黃草壩等處。擊敗賊兵。乘勝進攻雲南城。

又隨都統希佛等追僞將軍馬寶於烏木山。並有功。二十五年議敘。授拜他喇布勒哈番。三十五年。從征厄魯特噶爾丹。由西路進兵。擊賊有功。三十六年。加一拖沙喇哈番。陞西安副都統。緣事革任。併革其世職。六十年六月。奉

聖祖仁皇帝旨。原任副都統法喀。在西安副都統任內。聲名甚好。看其人還可出得幾年力。着授四川成都副都統。併給還其効力所得拜他喇布勒哈番。又一拖沙喇哈番。尋致仕。雍正二年十月。奉

旨。給與都統銜。賜孔雀翎。准食拜他喇布勒哈番。又一

拖沙喇哈番。尋病卒。

特賜全葬。其會伯祖之子胡拉哈者。天聰四年。以牛象

章京。從征大凌河。擊明監軍道張春兵。歿於陣。又有族人名佛克拖者。初襲拜他喇布勒哈番。從征廣東雲南俱有功。康熙三年。隨靖西將軍穆里瑪。往征湖廣。破茅麓山賊。敘功。授拖沙喇哈番。尋以從征陝西。在商羅鎮等處。力戰擊敗賊衆。得二等功牌八。仕至護軍統領。

巴林。滿洲鑲紅旗人。康熙十九年。以副都統征逆孽吳世璠。二十年。抵雲南省城。會同三路官

兵敗。僞將軍胡國秉等。又隨都統希福。追僞將軍馬寶。巴養元。至烏木山梁上。降之。三十五年。從征厄魯特噶爾丹。在昭莫多地方。隨撫遠大將軍費揚古。大敗賊兵。尋病卒。三十八年。敘功。贈拜他喇布勒哈番。以子哈達襲職。

殷泰。滿洲鑲紅旗人。姓瓜爾佳氏。世居內河地方。年十七。卽在西安府披甲効力。康熙十三年。隨西安副都統佛尼勒。征逆藩吳三桂。充親隨兵丁。自漢中進四川。取陽平關。有功。尋辭親隨兵丁。在旗下効力行走。從前鋒統領穆占攻朝

天關。克之。夸蘭大奇努巴圖魯鎮守梅嶺關。有賊兵來犯。西安兵出西門迎戰。殷泰越衆前進。將賊渠斬之。賊復毀我之木寨而入。殷泰迎戰。射殪一人。賊敗遁。追射之。復殪一人。賊又來劫我營。於烟火中射持刀賊。斃之。殷泰亦中烏鎗傷牙。從腮邊透出。因係頭等傷。賞銀五十兩。十四年。隨定西大將軍貝勒董額攻秦州。城內兵出遁。擊敗之。賊又出犯西安四旗兵營。殷泰連射三人仆地。尋以復秦州在事有功。陞筆帖式。隨振武將軍佛尼勒擊西和縣賊。屢敗其衆。十

五年。秦州之三十里堡賊兵敗遁。隨將軍佛尼勒追擊。敗賊於鹽關岐山堡。西和。洪山嘴四處。二十七年。陞西安府驍騎校。二十九年。從征寧夏。師旋陞防禦。尋隨將軍博濟。征厄魯特噶爾丹。擢爲副協領。三十五年。復隨撫遠大將軍伯費揚古。征厄魯特噶爾丹。在昭莫多地方擊賊有功。授拖沙喇哈番。准襲一次。尋陞西安府駐防左領。又陞協領。四十三年。陞副都統。四十四年。擢陝西西寧鎮總兵官。四十六年。

聖祖仁皇帝諭曰。西寧總兵殷泰。材健人優。從軍十餘

次。身經二十餘戰。被創數處。馬步箭俱精。而漢文亦通。自任總兵以來。邊外蒙古內地人民。無不稱頌。且久居西土。地方情事。亦皆諳練。著陞補甘肅提督。到任後。修學官。禮文士。稽察奸宄。體卹兵丁。禁餽送。不染一塵。遇歲旱。禱雨。甘霖立霈。打箭爐土司。及煖友土千戶。馬喇長官司等。感恩向化。各願納馬輸糧。殷泰疏請。自康熙五十年起。編入版籍。四十八年。擢川陝總督。清操益厲。軍輯民和。五十二年。

聖祖諭羣臣曰。殷泰居官甚善。不但操守好。而人材亦

八旗通志卷一百六十四
三
優。但知爲公効力。毫不徇部院中人情面。乃實心辦事之人也。是年因病乞休。吏部覆准解任。

聖祖復降諭旨。殷泰自爲兵丁時。朕灼知其義勇。歷加簡用。陞授總督以來。不負委任。清潔自持。約束屬下。恩威並用。陝西軍民。無不感戴。朕深愛惜之。今聞病勢已減。着在任調攝。尋復降

諭旨云。殷泰前因患病奏請解任。朕念殷泰清潔自持。約束屬下。恩威並用。陝省軍民。罔不感戴。朕甚愛惜。令在任調攝。今聞殷泰病勢未能卽愈。陝西地方緊要。總督員缺。不可久懸。殷泰著解任。又

諭羣臣云。殷泰朕特用之人。初用時。人不知其善。迨後乃稱皇上知人之明云。殷泰至京

特賜甲第一區。田若干頃。以旌其廉。五十三年病卒。奉特旨。殷泰自西安兵丁効力行走。征戰亦多。朕巡行西安時。殷泰漢子好。人去得。朕知其人。由微員漸用。至文武極品大臣。自任用以來。居官廉潔甚好。且漢官俱稱主子如何知道此人。無不驚異。殷泰做官果然清廉。果然好。將伊應承襲一次之拖沙喇哈番。著世襲罔替。既而禮部循例請卹。

賜祭葬如典禮。諡曰清端。立碑於墓。碑文稱其夙秉忠

誠早徵清慎。奮起戎行。立功邊徼。屬在裨將之列。適當西幸之時。知爾才器甚優。是用超遷不次。方膺協領。旋貳統軍。寄鎖鑰而令肅。湟中假旌旄而威宣。隴外畀以總督之重任。鎮茲秦蜀之要區。旣政成而人和。更將嚴而士飭。清操久著。治行屢聞。眷注彌殷。恩施叠沛。歸休是請。俯俞泉石之間。廉潔可風。更詔田廬之賜。奄殂忽告。軫悼殊深。諡曰清端。錫之世職云。殷泰族兄之子胡善。以八品筆帖式。從征厄魯。特噶爾丹。在烏爾湖河擊賊。歿於陣。康熙三十年。贈拖沙喇哈番。以子胡爾奇承襲。其善世職。

額倫特。滿洲鑲紅旗人。姓柯齊禮氏。世居阿庫里地方。祖索爾和諾。自幼喪父。長兄胡禮納。撫養成立。後兄爲仇人所害。索爾和諾親刃兄仇二人。以祭兄墓。鄉黨宗族咸歎異之。

太宗文皇帝崇德三年來歸。充阿里哈超哈。

賜男女八口。八年。隨奉命大將軍貝勒阿巴泰。證明用雲梯攻河間府。以第一人奮勇登城。因無繼登者。遂戰歿。

賜巴圖魯號。授牛錄章京世職。以子佛尼勒承襲。佛尼勒任至西安將軍。見名宦名臣傳。額倫特。乃佛

八旗通志 卷一百二十四
尼勒之子也。康熙二十一年十二月奉

聖祖仁皇帝特旨。自逆賊亂川以來。佛尼勒勤勞軍事。伊子額倫特。著留西安用。二十三年。補西安佐領。

聖祖特降諭旨。額倫特授爾佐領。因爾父効力之故。聞爾家道甚窮。著賞銀二百兩。三十一年。隨將軍尼雅

漢率兵征巴圖爾額爾克濟農。生擒蒙古二名。將軍郎坦至寧夏。簡選八旗章京八員。往邊外哨看巴圖爾額爾克濟農敗跡。及三邊外蒙古地方形勢。額倫特預焉。隨將軍郎坦至口外克西圖穆倫地方。收巴圖爾額爾克濟農潰散兵。

額倫特率前鋒兵。擒獲蒙古七人。三十五年。從征厄魯特噶爾丹。隨撫遠大將軍伯費揚古由西路進兵。至昭莫多地方。擊敗賊寇。得頭等第一功牌。授拖沙喇哈番。三十九年。陞西安協領。至四十二年。

聖祖巡幸陝西。在西安府

閱八旗官兵。著賞給賚。命其父並母本良與銀出。賜宴。倫特

親持金爵賜額倫特酒。顧謂諸王大臣曰。伊祖父與本身。三代與朕出力。因此朕親持金爵賜酒。在綠旗教

閱官兵射箭。復
賜額倫特貂褂。

諭官兵曰。爾等皆効額倫特祖父。並伊本身與朕出力。朕豈惜一貂褂乎。後送

駕至渭南縣。

賜眼鏡一。隨

駕進京。

賜御書一幅。朝服。朝帽。素珠。蟒袍。捨狝。獾裘。各一件。四

十三年。擢西安右翼漢軍副都統。四十五年。轉

荊州滿洲右翼副都統。

賜御製淵鑑齋古文一部。五十年。陞湖廣提督。奉

旨。額倫特不愛錢。不冒糧。朕可保。額倫特係滿洲。著挑

選荊州滿洲兵八十名。帶去護衛。額倫特家道甚窮。

著督撫每歲給銀三千兩。用激營伍。五十二年。陞湖

廣總督。宣布德威。紅苗歸化。是年率紅苗來

京。

賜孔雀翎。上駟一匹。五十三年。

賜御書一幅。扇一柄。周易折衷。朱子全書。五十五年。閏

三月。奉

旨署理西安將軍事務。併協同川陝總督辦理軍餉。十
一月。率滿漢官兵駐扎西寧。五十六年。聞準噶
爾賊將擾西藏。四月。往巴爾坤爾地方防禦。九
月。率西寧綠旗官兵出邊。於博羅和碩地方立
營防守。五十七年四月。擒獲逆賊策零敦多卜
等。皆之使人羅卜藏等八人。訊稱伊等自去年正月。
由特機斯起程。十月至布搭拉地方。本月二十
八日夜。攻取大招小招。次日圍住布搭拉。殺害
拉藏。將伊幼子及所屬寨桑等。送往策妄阿喇
布坦處。伊子蘇爾扎遁走。爲土伯特擒獲。拘禁

達賴喇嘛於扎克布裡廟。班禪仍住拉錫倫布。
因將羅卜藏等交主事奈曼代沿途防護。解送
京師。五月。率西寧官兵。繼儀度章京色楞進兵。七
月疏報。臣先經與侍衛色楞議定。毋魯烏蘇河
水方漲。未易過渡。探知多倫鄂羅木地方。有七
叉河可渡。色楞統兵先去。臣於此間擇水草好
處。稍息兵馬。隨後趨行。六月十八日。臣統兵自
毋魯烏蘇起程。至圖爾哈圖地方駐扎。見河水
雖深。中流甚緩。因製造皮船。於三日內兵馬齊
渡。至七叉河處。根尋色楞。並無兵馬渡河踪跡。

八旗通志 卷一百二十四
路遇運米回子達爾漢白克告云。運米未到之先。遣人尋向色楞通知。其人自七义河過去。七日杳無消息。近聞色楞自拜圖地方前往等語。但自七义河至拜圖。山嶺險峻。無路可通。若將兵馬調回改趨拜圖之路。往返須二十餘日。勢難與色楞同路。臣於六月二十四日。自七义河向苦苦賽一路進兵。沿途整肅行伍。遠設哨探。若與賊兵相遇。則奮力勦滅。若前至博克沙克地方。遇見色楞之兵。則會同前勦。閏八月疏報。七月十六日。臣自門贊西里克起程。至齊諾郭

見地方安營。十七日四更時分。賊兵衝逼營盤。臣卽遣遊擊王汝載等率兵進擊。賊兵大敗。賊人又自東自南齊進。臣親統弁兵。與賊對敵。鎗礮並發。自寅至巳。賊敗下山坡。臣等追擊十餘里。見賊兵多而官兵少。四面山溝。俱有可通之路。恐有埋伏。未曾窮追。所獲被傷一賊。訊稱賊酋托布齊杜喀兒二人。率兵四千由喀拉烏蘇河西小路而來。臣卽移咨公策旺諾爾布。統兵速往接應。臣仍相度機宜。渡過喀拉烏蘇。前往狼獵嶺。若與色楞相遇。則合兵前進。倘不相值。

八旗通志 卷一百二十四
再隨機而行。奉

聖祖諭旨。額倫特率領兵丁頗少。直抵從古未到之絕域。奮勇直前。建立膚功。殊非尋常軍功可比。現今賞賚軍前人等家屬外。事定後。著從優議叙。額倫特。尋與儀度章京色楞遇。因合兵至喀喇烏蘇地方。有賊兵二三萬。四面圍繞來犯。額倫特率官兵奮擊。身被重傷。督戰益力。與賊相持數月。至九月。復率兵進擊。射死賊兵其多。衆寡不敵。矢皆射盡。額倫特自持大刀衝陣。力戰不退。遂歿於陣。五十八年。靈櫬回

京奉

旨。額倫特靈櫬著進城。又

命皇五子恒親王允祺。皇十二子固山貝子允禔及本

旗王貝勒貝子公等。迎至城外奠酒。及靈櫬至

家。

特遣內大臣侍衛奠茶。雍正元年十一月。奉

旨。原任總督額倫特著議敘。尋部議給拜他喇布勒哈

番。又一拖沙喇哈番。合前昭莫多軍功所得之

拖沙喇哈番。贈爲三等阿達哈哈番。以子愛山

承襲。

賜祭葬。諡忠勇。立碑於墓。碑文稱額倫特英資夙秉。武畧兼優。奮力戎行。宣勞朔塞。佐闡寄於秦封。已陟巖疆之亞將。建軍麾於楚省。遂開制府以臨民。攝官揚授鉞之威。轉粟領饗邊之重。志清殊域。乃冒險以直前。誓掃妖氛。遂捐軀而不顧。精誠未泯。壯節彌光。是用載考禮文。優加寵卹。啓泉扃而奠宅。垂琬琰以易名。特沛殊恩。諡曰忠勇云。額倫特承祖父之傳。武畧素優。兼通文學。所至敬禮文儒。任湖廣總督時。修江漢書院。以課士子。延陝西名儒李顥高第弟子王心敬。於書院講學。併刻心敬講義。易說

文集。士子翕然向化。並尚實學焉。

花色。滿洲鑲紅旗人。姓那拉氏。世居葉赫地方。由旗員陞任平郡王府長史。兼管佐領。康熙十二年冬十一月。逆藩吳三桂反於雲南。遠近騷動。十三年正月。

聖祖仁皇帝命順承郡王勒爾錦統

禁旅由湖廣進勦。花色從征。以長史管護軍。夸蘭大事。所向克捷。馳驛齎捷疏至

京。奉

旨召入。面奏進戰情形。隨奉

諭旨。爾實係爲國家出力之人。忠勇可嘉。特陞副都統兼議政。仍馳驛回軍中。十七年。吳三桂病死。十八年秋八月。花色隨簡親王喇布。攻湖南興寧縣。取之。又同噶喇昂邦碩岱。副都統希山。偵賊至武岡州地方。距州二十里。遇僞將軍夏國相。力戰破之。斬首無算。獲僞守備三人。擒賊兵六人。馬八匹。十九年春。從定遠平寇大將軍貝子章泰。進兵雲貴。議分兵攻取沅州。花色與都統釋迦保。前鋒統領沙納海。公圖。爲一路。軍次靖州。奪賊險隘。擊潰其衆。復靖州。又復綏寧。會通

黔陽等縣。遂率前鋒章京塔爾岱。西圖署護軍統領齊理。伊勒紳。進逼沅州。僞王吳應麟等。率衆來拒。大戰破之。我軍追入西門。奪取北門。斬僞守備一人。又斬賊兵二百級。擒三十六人。復沅州。冬十月。貝子章泰進師鎮遠。視賊營逼近府城。據兩高山各爲一營。又當大路立一營。爲犄角勢。深溝高壘。拒守甚固。攻久不下。衆議以夜進攻。比三更。分兵前進。賊昏夜迎鬪。花色攻中路。斫入其營。賊棄營遁。遂復鎮遠府。乘勝追至偏橋。斬首三百餘級。擒賊兵百二十人。併復

偏橋衛。時征南將軍穆占駐軍新添衛五里外。遙見峻嶺上有賊人窺探。委花色統頭隊軍捕之。賊衆如蟻繞山脚而出。直犯我師。花色力戰敗賊。正行追勦。有偽總兵黃姓者。列陣新添衛城下。花色整衆直前衝擊。賊敗走入城。我軍奪取北門。追出南門。殺賊四百餘人。遂克復新添衛。偽將軍韓天福者。有衆二千餘人。列隊石橋。以阻我師。花色復大破之。獲偽總兵一人。斬首七百二十級。擒百餘人。獲偽劄付一。印一。旗幟軍器無算。二十年春正月。從征南將軍穆占進

攻平越府。偽將軍高起隆等據府城西南山嶺立營。我軍始至。賊衆六千人突出。花色率士卒力戰。石矢雨下。不反顧。賊大潰。斬偽副將一人。首四百級。擒獲無算。賊復據城前山坡。樹柵以拒。花色奮勇先登。士氣百倍。鉦鼓齊鳴。賊駭散。遂進逼城下。城中復增兵拒抗。我軍超躍畢登。拔其柵。賊衆自相蹂踐。是日大戰。自午及酉。斬首千餘級。賊氣沮喪。花色又同各路官兵進攻貴州。時吳三桂孫逆孽吳世璠襲偽號。遣偽王吳應麟。偽將軍夏國相等。出城迎拒。破之。賊棄

城走。遂復貴州。時大師駐貴陽。賊營望風解散。惟盤江奔流迅激。山勢嶮巖。賊焚鐵索橋以絕我渡。官兵編筏以進。賊遁。遂渡盤江。吳世璠由貴州奔雲南。留偽將軍線絨屯兵江西坡。扼險以待。花色奮勇轉鬪而前。遂收普安等州縣。二月抵雲南。征南大將軍賴塔兵亦由廣西至。合兵進攻。世璠遣偽帥郭壯圖悉精銳迎戰。我軍分路夾攻。大破之。自是閉城堅守。不敢復出。諸將軍距城十里而營。議分兵絕救援而後攻城。偽大將軍馬寶果白遵義尋甸奔楚雄來援。貝

子章泰命花色同都統希福提督桑格等領精兵往擊。五月至呂合。馬寶兵在大路之右十里外烏木山側。深林密箐。中結三營。各列三象於前。又遣偽將軍十二人。馬步兵萬餘。據險相拒。設木柵。插竹簽。中路山梁。乃賊正寨。希福以花色素忠勇。且得軍心。令當其衝。花色揮卒先登。賊眾大集。滾木礮石四下。我軍幾却。花色躍馬大呼。士卒齊進。聲振林谷。遂拔其柵。去其簽。斬殺無算。賊乃奔潰。馬寶復在山巔險峻處相拒。花色謂諸將弁曰。省城固守。以待馬寶。寶就擒。

八旗通志 卷二百二十四
省城解體矣。我與若輩身經百戰。成功在此一舉。衆咸應聲曰。願効死。遂同副都統托岱馬什太等。乘賊衆甫合。以精騎衝之。賊衆潰亂。追殺僞官及賊兵無算。降僞官及兵一千五百四十三人。馬寶敗亡。不知所之。獲其僞誥命本身盛甲。及大纛旗幟鎗礮軍器無算。又獲象三隻。馬四百六十三匹。僞官劄付六十三張。翌日。復追勦散亡。寶屬下僞總兵僞同知悉降。遂同希福桑格踪跡馬寶。擒之。於呂合回軍抵省。冬十月。勇略將軍趙良棟兵亦至。會兩路兵同進。逼城

駐於銀錠山。晝夜攻之。又占其要地。走馬街。太平橋等處。賊勢窮蹙。逆黨線絨等內變。吳世璠自殺。城中悉降。雲南平。十二月。花色忽得痰疾。卒於軍。疏。

聞。子卹如典禮。

新營 鄂莫克圖巴圖魯 子春兌 從兄折爾特

鄂莫克圖巴圖魯 子春兌 從兄折爾特

雅秦 弟刺門 伯父丹布 丹布孫塞勒

亦當 會派官界 台蘇

阿山 阿爾

鄂爾塞亞 子進貝 共子益

五蓋 子會

各百 子會

八旗 子會

達諸護滿洲正藍旗人初從

太祖高皇帝征討四方。屢立軍功。授遊擊世職。又從征

什林葉赫烏喇諸部。斬獲無算。超加世職為三

等副將。天聰五年。

太宗文皇帝命同宗弟王善及車爾格等率兵一千五

百人。征東海瓦爾喀部。大獲以歸。

太宗自瀋陽出城畋獵。因以迎之。達諸護等

朝謁。以獵獲百餘獸及酒二百甕。饗從征將士。尋

擢置十六大臣之列。後為俘獲人所害。順治十

二年。追諡襄敏。

世祖章皇帝面諭英古爾岱。猶稱達諸護之忠云。子翁阿岱。初襲父三等梅勒章京世職。天聰九年。從醇霸奇蘭薩木什喀。往征黑龍江有功。加世職爲二等。崇德六年。隨大兵圍錦州。擊敗敵人山上步兵。及山下馬兵。至松山。同鰲拜巴圖魯殺入敵陣。被傷身歿。

賜銀一千兩。加世職爲一等梅勒章京。以弟之子濟木布承襲。

達爾漢額駙。滿洲正藍旗人。姓郭爾羅氏。其父楊舒。同伊兄常舒。自沾河地方率領宗族來歸。

太祖高皇帝以長公主妻焉。隨

太祖征討四方俱有功。及其卒也。

太祖親臨其喪。奠酒哭之。達爾漢卽其子也。生而英特。

太祖復俾尚公主。封爲和碩額駙。兼管牛录額真事。從

征界凡等處。積戰功。授副將世職。天命十一年。

初設八大臣。贊理國政。擢達爾漢爲鑲黃旗固

山額真。領兵征扎魯特。單騎追一台吉擒之。奉

命征董夔。破其衆。擒古穆楚赫爾父子。併杜喀爾代青

多爾濟三塔布囊父子。盡行擒獲。論功加授三

等總兵官世職。尋緣事降爲一等副將。天聰元

年從征朝鮮。三年征明至北京。五年征大凌河。俱有功。九年大兵征明。

太宗文皇帝以出征諸貝勒已入明境。恐寧遠錦州合兵救援。因

命達爾漢額駙同貝勒多鐸率每牛朶擺牙喇二名入明境立營。以分其勢。路遇敵兵八百。逆擊敗之。

崇德元年。

特命同武英郡王阿濟格等率兵征明。

太宗親送至演武場遣之。九月。率本固山兵攻克順義縣。凱旋。復授二等昂拜章京世職。

鄂羅塞臣。達爾漢額駙子也。天聰元年。從父達爾漢額駙征明。攻大凌河。崇德元年。從征朝鮮。五年。從征明錦州。並有戰功。六年。復從

太宗文皇帝圍錦州。遇城中九人持弓矢出城。樵採盡殺之。及松山兵兩次來犯。連敗其衆。又率擺牙喇兵。敗明經畧洪承疇三營步卒。論功授二等甲喇章京世職。擢任梅勒章京。順治元年。同巴篤里等征黑龍江等處有功。凱旋。

世祖章皇帝遣明安達禮等迎宴之。二年。隨定國大將軍豫親王多鐸南征。追流寇至潼關。賊堅壁截

八旗通志 卷一百一十五
路。鄂羅塞臣等首先衝入擊敗之。殺賊無算。加
世職爲二等阿思哈尼哈番。六年。陞正藍旗蒙
古固山額真。尋調刑部侍郎。七年九年。三遇

恩詔。加世職至二等精奇尼哈番。陞都察院承政。率兵
駐防貴州。康熙三年。以病卒於任。

特恩加太子太保。

賜祭葬如典禮。諡果敏。次子勒貝。累任至都統。康熙十
五年。統兵由廣西進征逆藩吳三桂。十七年五
月。同撫蠻滅寇將軍傅弘烈。破僞總兵饒一龍
等。恢復鬱林州及北流陸川博白等縣。十八年

八月。鎮南將軍莽依圖卒于軍。以勒貝爲鎮南
將軍領其衆。二十年二月。同征南大將軍賴塔
由西隆州進兵。破僞將軍何繼祖詹仰等。奪石
門坎險隘。恢復安籠所。三月。復敗之於黃草壩。
擒詹仰。乘勝長驅。直抵雲南。會同貴州四川兩
路大兵。平定雲南。第三子鄂忒渾。初襲父二等
精奇尼哈番世職。亦累官至都統。鄂忒渾子鄂
善。初襲父二等精奇尼哈番世職。累官至前鋒
統領。又查布丹者。鄂羅塞臣族子也。初任護軍
叅領。順治十七年。隨定西將軍愛星阿。由雲南

進緬甸。獲僞桂王有功。凱旋至江西。與賊遇於新口。力戰陣亡。卹贈拖沙喇哈番。以其孫朱爾薩襲。

太祖高皇帝克遼東有功。授遊擊世職。又以擒獲希代之妻。及其部屬功。超加三等副將。十一年十月。隨大貝勒代善等。往征蒙古喀爾喀扎魯特部落。阿山同冷格里。率兵六百。入喀爾喀巴林地。方驅逐哨卒。縱火燎原。以張聲勢。師旋。以二人俘獲功多。

朝見時許。行抱見禮。天聰元年。又同冷格里攻朝鮮義州。克之。三年。同楊古利額駙等。率馬步兵往雅爾湖地方。躡緝逃人。遇毛文龍採參者。擒獲甚衆。四年。隨

太宗文皇帝。證明圍永平。冒火登城。克之。翌日。

太宗燕坐。謂羣臣曰。昨攻取永平城。副將阿山。葉臣。與猛士二十四人。冒火奮力登城。乃我國第一等驍勇人也。因加授三等總兵官世職。五年五月。從征察哈爾。大兵至果果索泰河。奉

命。同土魯什。勞薩。吳拜。率精兵二百。爲前哨。有蒙古五

八旗通志 卷一百六十五
順治元年四月。從定國大將軍豫親王多鐸南征。阿山同固山額真馬喇希等。奪泗北淮河橋。我兵遂渡淮。攻克揚州城。擒僞閣部史可法。斬之。我兵前進至南京。僞福王潛遁太平。阿山同公圖賴等。追至蕪湖。僞總兵田雄馬得功。縛福王來降。豫親王令貝勒博洛及阿山等。直趨杭州。招撫浙省。賊兩路迎擊我兵。大敗之。浙江悉平。凱旋。

賜金五十兩。銀三千兩。鞍馬一匹。是年追叙舊臣勲績。授阿山世爵爲三等公。三年卒。子色赫降襲一

等昂邦章京。

阿爾津。三等公阿山叔父之子也。自幼從軍。所至有功。授世職至二等甲喇章京。天聰九年。招撫額哲額駙之役。岳託貝勒令阿爾津追喀爾喀逃人。全執以歸。并獲人畜皮張甚衆。加授一等甲喇章京世職。崇德元年。從大兵征朝鮮。往畧皮島。堵截敵兵來路。遇明副將一人。率兵五百來援。擊敗之。師旋。陞燾章京。八年。

太宗文皇帝命同燾章京哈寧阿等。往征虎爾哈部。八月。班師。收服男子一千六十九名。婦女幼小一

千四百九十九口。并馬匹器械無算。因

賜阿爾津人三口。及銀兩等物。順治元年。隨定國大將軍豫親王多鐸南征。追流寇李自成至潼關。距關二十里立營。賊將劉方亮率兵千餘。前來窺探。阿爾津等率正黃正紅鑲白鑲紅鑲藍五旗擺牙喇擊敗之。明年叙功。加授三等梅勒章京世職。五年加至一等。七年九年三遇

恩詔。加至一等精奇尼哈番。又一拖沙喇哈番。世襲罔替。九月。

特命爲定南將軍。同固山額真馬喇希征廣東未定州

縣。十月。調爲安西將軍。鎮守漢中。十二月。復

命爲定南將軍。征湖廣辰常逆賊。旋陞固山額真。十二年八月。以僞桂王渠帥孫可望李定國勢甚猖獗。九年。敬謹親王尼堪戰歿。至是

特命阿爾津爲寧南靖寇大將軍。同固山額真卓羅等駐防荊州。阿爾津親統官兵。大破賊渠姚黃等。於彝陵。招撫僞官五十二員。兵民一萬餘名。後又招撫土兵二萬。及永順土司總兵彭洪澍等。下三州三百八十洞。俱蒙

恩嘉獎。十五年。

命信郡王多尼爲安遠靖寇大將軍。進取雲南。阿爾津隨征。以病卒於軍。

特贈太子太保。諡端果。立碑墓道。以旌其忠焉。族孫艾

圖亦以軍功得授拖沙喇哈番。

布當滿洲正藍旗人。初係吳魯特貝子。率屬來歸。授二等叅將世職。天聰三年。隨大兵征明。攻遵化城。同英俄爾岱奮勇破敵。論功加世職至三等副將。八年卒。子袁濟襲職。袁濟孫官保。以七品官從征陣亡。卹贈拖沙喇哈番。以其子張保襲。

色稜布當弟。父恩克壽。初係吳魯特貝子。率屬來歸。授遊擊世職。卒。色稜襲職。天聰三年。隨大兵征明。同梅勒章京宜爾孫。敗明太監高起潛兵。崇德六年。從征錦州。復有功。順治元年。隨睿王多爾袞入山海關。擊流寇。破之。二年。隨定國大將軍豫親王多鐸南征。追流寇至潼關。同固山額真恩格圖。殿後。擊敗賊追騎。三年。復隨豫親王多鐸追騰吉思。敗土謝圖汗及碩羅汗兵。論功加世職爲二等阿達哈哈番。七年九年。三遇

八旗通志 卷一百一十五
恩詔。加至一等阿思哈尼哈番。十二年卒。子扎穆揚承襲。見諡法名臣傳。

席特庫。滿洲正藍旗人。自幼卽從征伐。天命十年。以克副委任。無違指使。授備禦世職。天聰四年。從大兵征明。爲前哨。同土魯什等擊敗明。卒。獲馬十七匹。生擒二人。明年三月。

太宗文皇帝復命率兵百名。往明景州一帶捉生。六月還。獲蒙古五人。漢人三十名。牲畜三十二頭。卽以所獲之物賞之。八年二月。復

命率擺牙喇兵八十名。廝卒四十名。往錦州捉生。殺三人。擒一哨長。又獲五人以歸。九年。復

命同蘇達喇等率兵七十名。捉生錦州。崇德元年。又同

勞薩等率甲士一百十八人。往明邊躡敵人踪跡。明年八月。生擒十二人。斬九人。攜一人還。七年。任噶布什賢章京。從噶喇昂邦努山率兵九十名入明界。探我大兵出邊消息。并令捉生。斬守備一員。及兵三百餘人。生擒千總一員。把總三員。獲人馬甚衆。論功加授二等甲喇章京世職。順治元年。從睿王多爾袞入山海關。破流賊。又從固山額真葉臣平定山西太原等處。復有

八旗通志 卷一百六十五
功。加世職至一等甲喇章京。三年。以從豫親王多鐸追騰吉思功。又加半個前程。七年九年。三遇員缺。人謂其味。

恩詔。加至一等阿思哈尼哈番。累官至梅勒章京。十年。以年老致仕。康熙三年卒。

宜拜滿洲正藍旗人。姓何舍里氏。世居葉赫地方。自幼從征。以功授半個前程。世職。崇德六年。隨大兵圍錦州。擊敗松山杏山馬步軍。論功加授牛錄章京。世職。順治元年四月。隨睿王多爾袞入山海關。擊流寇。破之。五月。同固山額真葉

臣巴哈納等。招撫山西一帶地方。共下十一府三十二州。一百七十一縣。二年十一月。隨定國大將軍豫親王多鐸南征。三年正月。追流寇至潼關。連敗其第一第二兩營步卒。又破賊於延安府。凱旋。加世職至三等甲喇章京。七年九年。三遇

恩詔。加至三等阿思哈尼哈番。仕至固山額真。兼議政大臣。十五年卒於任。

特贈太子太保。諡勤直。立碑墓道。以旌其功焉。長子圖爾錫。初任豫親王多鐸二等護衛。從征山東。歿

於陣。第四子穆實。任貝勒府長史。順治十八年。從貝勒察尼。征福建。與海賊力戰陣亡。卹贈拖沙喇哈番。

圖爾特。宜拜第二子也。順治二年。以國史院編修。隨征南大將軍貝勒博洛。征浙江福建。同固山額真韓岱。宜爾德。追破僞國公方國安。僞大學士馬士英等。四年。同韓岱進攻福建。平定泉州府。五年。隨英親王阿濟格。平定靜海土寇。六年正月。隨敬謹親王尼堪。平定臨縣土寇。八月。隨英親王阿濟格。征大同叛鎮姜瓖。並在事有

功。八年正月。授內翰林弘文院侍讀。後遇

恩詔。以圖爾特效力戎行。屢著勞績。授拜他喇布勒哈

番。十年四月。陞侍讀學士。十三年八月。轉都察院啟心郎。十八年二月。陞副都御史。康熙二年。陞兵部右侍郎。六年革職。尋起工部右侍郎。病卒。

庫爾闡。宜拜弟也。天聰九年。

太宗文皇帝命霸奇蘭薩木什哈等。出征黑龍江。時庫爾闡以三十六章京從征有功。授半個前程世職。崇德六年。隨大兵征明圍錦州。連敗松山杏

八旗通志 卷一百一十五
山馬步兵。斬四十一人。獲雲梯鎗礮等物。以功加授牛錄章京。世職。順治元年四月。隨睿王多爾袞入山海關。擊流寇。追敗之於慶都。又加半個前程。十一月。隨豫親王多鐸南征。二年正月。至潼關。敗流賊第一第二兩營步卒。論功加授三等甲喇章京。世職。明年。擢都察院叅政。考績加世職爲二等甲喇章京。後又加至一等。六年。同固山額真譚泰。往征江西叛鎮金聲桓。以病卒於軍。

世祖章皇帝憫其歿於王事。

賜祭葬如典禮。賞銀七百兩。初庫爾闡以屢立戰功。在太宗時。曾賜蒙古男婦十口。

世祖時。又賜蒙古男婦三十口。并衣帽貂裘銀帛器皿等物甚衆。蓋始終恩禮不替云。從孫善都。康熙十四年。從信郡王鄂札。征察哈爾布爾尼有功。授拖沙喇哈番。蘇魯邁巴圖魯。滿洲正藍旗人。姓宋嘉氏。世居董鄂地方。初隨

太祖高皇帝征符氏。以雲梯攻城北之莫克託他色城。蘇魯邁身衣青甲。首登雲梯。

太祖見而奇之。因於甲班之野。分授俘獲。手指云。此人善戰。先登取城。賞人口。及取瀋陽遼陽時。俱奮勇先進。擢牛录章京。賞馬一匹。青布百疋。天聰元年。從征朝鮮。仍首先登城。賞人口馬牛等物。三年。隨大兵。證明復有功。授備禦世職。四年。圍永平。同固山額真阿山等。冒火登城。被槍刺眉間。不却。

太宗文皇帝遣固山額真譚泰診視。加授世職爲三等叅將。

賜巴圖魯號。并馬牛緞布等物。尋擢梅勒章京。兼兵部家。叅政。先後從大兵攻明旅順口。及寧遠等處。中箭傷十一處。得賞銀二次。又同固山額真阿山等取雕窩城。被礮傷口不退。卒破之。因卧輿至家。

太宗遣侍衛診視三次。蘇魯邁竟以殘廢辭職。家居數載。遇順治七年

恩詔。

世祖章皇帝念其身受重傷。以致殘廢。又素日曾効力行間。超加世職爲一等阿達哈哈番。九年二次恩詔。加至三等阿思哈尼哈番。康熙元年卒。

賜祭葬如典禮。諡勤勇。長子蘇爾濟。初任噶布什賢侍衛。順治元年。隨睿王多爾袞入山海關。擊流寇。同噶喇昂邦席特庫。敗偽總兵唐通。又同鄂莫克圖。巴圖魯。屢敗賊兵。三年。從征福建。敗偽姜總兵。生擒一人。得船一百五十隻。授世職。拖沙喇哈番。遇七年。恩詔。加授爲拜他喇布勒哈番。病卒。第四子鄂羅舜。初任二等護衛。康熙十四年。從定西大將軍貝勒董額。征逆藩吳三桂。由陝西進兵。同建威將軍佛尼勒等。擊敗偽總兵高定。

聖祖深嘉之。授護軍叅領。二十九年。隨裕親王福全。征厄魯特。噶爾丹有功。陞前鋒叅領。三十年。陞江寧副都統。三十四年。陞江寧將軍。四十一年。

聖祖南巡。

賜御書匾額二。

御製詩一首。并貂裘弓矢等物。四十四年。卒於任。第五子翁俄洛。初襲兄蘇爾濟。拜他喇布勒哈番。康熙十九年。以夸蘭大從征南。大將軍賴塔。征逆孽吳世璠。至廣西。二十年正月。敗賊將何繼祖等。於石門坎。三月。又敗賊將張光先。王有功等。

於黃草壩。七月。隨都統希佛等。敗賊帥馬寶巴。養元等於烏木山。論功加授三等阿達哈哈番。蘇法者。蘇魯邁第三弟也。初任牛朶章京。崇德三年。從奉命大將軍睿王多爾袞。征明。攻克山東泗水縣。授牛朶章京世職。順治元年十一月。隨定國大將軍豫親王多鐸。南征。二年正月。追流寇至潼關。連敗賊兵三次。五月至江寧。隨固山額真馬喇希。攻克宜興崑山二城。論功加一拖沙喇哈番。遇七年。

恩詔。加授為三等阿達哈哈番。又圖沙者。蘇魯邁第六

弟也。初任壯尼大。順治元年十一月。從定國大將軍豫親王多鐸。南征。二年正月。追流寇至潼關。同燾章京阿爾津。連敗流賊第一營第二營步卒。賊遁。又隨阿爾津。敦拜。往尋賊踪。遇餘寇三百餘人。盡殲之。三年。從貝勒博洛。至浙江。大敗湖州府賊兵。獲船十隻。復攻克湖州府城。敘功。授拖沙喇哈番。旋卒。以其第五兄圖法承襲。遇順治七年。

恩詔。加授拜他喇布勒哈番。明年。從征山東。攻曹縣。中礮。歿於陣。又加一拖沙喇哈番。以其子胡什布

襲累官至右衛協領。康熙三十五年。從撫遠大將軍伯費揚古。從西路進剿厄魯特噶爾丹。敗賊有功。加授爲三等阿達哈哈番。

鄂莫克圖巴圖魯。滿洲正藍旗人。初以壯尼大從阿山等征朝鮮。攻克義州城。天聰三年。從貝勒岳託。征明。圍保安州。以第一人登城破之。

賜巴圖魯號。授遊擊世職。又同葉克舒等征薩哈連烏喇。獲壯丁十二人。九年。奉

命同納海等齎書往喜峰口等處諭明國大臣。事畢還國。擊敗明沿邊哨卒。斬百餘人。生擒一人。獲馬

三匹。崇德六年。從大兵圍錦州。率噶布什賢兵。敗松山馬步軍。及明經畧洪承疇兵。斬四百餘人。獲馬匹旗纛等物。又追擊杏山塔山兵。斬三百餘級。明年。隨武英郡王阿濟格圍杏山。旋往寧遠等處捉生。遇明總兵吳三桂等。率兵尾我兵後。鄂莫克圖等誘而敗之。獲甲十九副。馬六十四匹。加世職爲二等甲喇章京。順治元年四月。從睿王多爾袞入山海關。擊流寇有功。加世職一等。五月。從固山額真葉臣等往平山西一帶地方。攻下太原府。至陝西。破延安府。二年。隨英

親王阿濟格追流賊至湖廣。破承天府等處。獲船三十隻。三年。隨肅親王豪格征四州。敗賊賀珍於漢中府。又同肅章京德爾得赫等。屢敗賊兵。論功加一拖沙喇哈番。七年九年。三遇

恩詔。加世職至一等阿思哈尼哈番。仕至梅勒章京。尋卒。

賜祭葬如典禮。諡襄壯。子超思奇襲職。次子春兌。康熙十八年。以佐領從征雲南。至廣西。逆賊吳世球以精兵六千。列陣於新邨西山拒敵。隨鎮南將軍莽依圖。進擊敗之。十九年。偽將軍馬承墜等

以兵二萬。列陣於陶屯拒敵。隨都統希佛等。擊敗其衆。進攻曲靖府。又敗偽將軍王有功。張光先等。於黃草壩。以功授拖沙喇哈番。又有折爾特者。鄂莫克圖巴圖魯之同祖兄也。崇德元年。從大兵征朝鮮。手中烏鎗傷。得賞馬一匹。尋委署甲喇章京。順治二年。隨英親王阿濟格。追流寇至延安府。兩敗賊兵。賊將劉瞎子敗遁。折爾特往追。中槍傷而歿。

雅秦。滿洲正藍旗人。父大海巴克什。見儒林傳。雅秦其長子也。天聰八年。襲父牛錄章京世職。

八旗通志 卷一百二十五
隨肅親王豪格。征明有功。崇德六年。隨大兵圍錦州。率本固山兵擊敗松山馬軍。錦州城中有馬步兵出犯我鑲白旗汛地。復同薩爾糾助戰。敗之。師旋。任吏部理事官。八年考績。加半個前程。順治元年。隨睿王多爾袞入山海關。破流寇有功。加授三等甲喇章京。世職。尋擢本部侍郎。遇七年。

恩詔。加世職爲二等阿達哈哈番。八年。陞內國史院大學士。九年兩遇。

恩詔。加世職至一等阿達哈哈番。又一拖沙喇哈番。尋病卒。康熙二十一年。

聖祖追念前勲。遣官祭墓。弟喇門。康熙十三年。以前鋒叅領。從征逆藩吳三桂。與賊戰於衡州。陣亡。卹贈拖沙喇哈番。又丹布者。雅秦之伯父也。初管理武備院事。天聰五年。從征明圍大凌河。戰歿。丹布孫塞勒。初任端重親王三等護衛。從征福建。與海賊郭新戰於廈門。陣亡。卹贈拖沙喇哈番。以其子虎司承襲。

卷之四